


烏衣香牒



烏衣香牒卷之三

鮑廬道人述

散藻一賦

魏文帝寡婦賦微霜隕兮集庭燕雀飛兮我前

晉夏侯湛秋可哀賦雁掉翼于太清燕蟠形乎榛墟

湛方生懷春賦鴻飄翻于歸風燕銜泥而來征

庾闡閒居賦鳥棲庭林燕巢于幕 傅玄陽春賦鵲

營巢于高樹燕銜泥于廣庭

南宋謝靈運山居賦鷗鴻翻翥而莫及何但燕雀之

翩翩 劉義恭感春賦悲陽鴻之赴朔憐春燕之入

楹

南齊蕭子良梧桐賦必鸞鳳而後集何燕雀之能臨  
梁元帝玄覽賦留吳宮之宿燕響平林之夜鐘陸  
倕思田賦聽啁哳之寒雞弄差池之春燕張率舞  
馬賦雀躍燕集鵠引鳧翔何遜窮鳥賦豈能瑞周  
德而丹羽感燕悲而素暉蕭子範家園三日賦飛  
玄翮之士燕奮丹胸之山雉江淹賦雞鶩以稻梁  
致憂燕雀以堂構貽愁

北周庾信鏡賦燕噪吳王鳥驚御史又三月三日華  
林園馬射賦兵革無會非有待于丹鳥宮觀不移故

無勞于白燕又春賦下飛燕之蘭宮

唐王勃思春賦銀蠶吐絲猶未暖金燕銜泥試學飛

楊炯幽蘭賦鴻歸燕去紫莖歇高郢沙洲獨鳥

賦亦猶鴻志非燕鶴群豈雞李嶠楚望賦漢塞鴻

度吳宮燕還王棨瑠璃窓賦幾悞梁燕遽分駒隙

又蟪蛄巢蚊睫賦常笑鷓鴣立彼葦苕之上寧同玄

燕集于危幕之時又江南春賦衡嶽雁過吳宮燕至

趙良器履賦出郡標竒則簷前燕落入朝表異則

雲際鳧驚李鐸密雨如散絲賦秦臺蟻行豈惟珠

曲乃穿湘浦燕飛不獨鳥方驚觸盧肇湖南觀雙

柘枝舞賦來復來兮飛燕去復去兮驚鴻又鸚鵡舞  
賦領若燕而蹙頰德如毛而矍鑠司空圖春愁賦  
燕泥滴滴而簷壞蛛網迷迷而帳空李邕石賦翁  
湘川之飛燕伏昆池之駭禽崔根浮漚賦石燕飛  
而迎雨銅鳥振而驚風鄭太昊浮漚賦石燕初化  
泥牛未失劉知幾思慎賦俄拔跡于芊豕倏搏飛  
于燕雀鄭惟忠泥賦帶睛牛而暫落逐春燕而還  
飛王起蟄虫始振賦青雲之表期蜿蜿以龍升繡  
戶之前佇翩翩而燕入謝偃觀舞賦乍差池以燕  
接又颯沓而鳧連竇泉述書賦似漸陸之遵鴻等

窺巢之乳燕

王維白鸚鵡賦至如海燕呈瑞有玉

笥之可依山雞學舞向瑤鏡而知歸

彭殷賢大厦賦

賦仰鷓鴣之不逮豈燕雀之能擬

郝名遠大厦賦

燕雀聞而相賀鸞鳳來而應律

李百藥笙賦始覺

華樹鶯啼早不悟雕梁燕來疾

馬吉甫蟬賦豈比

飛燕之巢幕流螢之聚囊

許敬宗歌器賦燕迎秋

兮遁跡鶯移春兮息喧

高無際漢武帝鞞韞賦初

度燕謀之辰未屆親蚕之日

敬括觀內人馬伎賦

洛神遇而恥乘流飛燕逢而慚在掌

朱桃椎茅茨

賦時逢雙燕來屢值遊蜂入

宋李綱迷樓賦燕語鶯啼舌笙簧也李曾伯避暑

賦免沒兮烏升燕去兮鴻賓文彥博鴻漸于陸賦

將候雁以同賓羽翮既就與時龍而共起燕雀焉知

薛士隆坊情賦燕呢喃以並語兮梭對擲其鸚黃

晏殊中園賦燕溢溢以交賀鵲脩脩而吉語葛

長耕麻姑賦啼鶯語燕不可聽矣

元張養浩白雲樓賦空聞燕雀鳴幽局陳櫟春先

亭賦玉質兮盼倩遠違兮鶯燕日繞樹兮千回朝巡

檐兮百徧陳樵迎華觀瑞蓮賦豈比夫東伯勞而

西燕背面傷春而獨宿者哉馮子振十八公賦儘

海榴之燠燕從宛杏之媒蝶

明太祖畫眉賦華爛漫似錦帷正鶯燕之高低宋

濂崆峒雪樵賦孰不化為胡燕兮依華棖之飛文

倪謙聽鶴軒賦憐燕雁之來往歎梟獍之不可與居

唐寅南園賦蝶蘧蘧而飛燕喃喃而對陸深南

征賦燕雀安于焚棟兮斯物智之不長張鳳翼中

解山亭賦燕呢喃而弄語鶯覘睨以流聲楊守陞

閔貞賦燕飛飛而歸梁兮雞登墀而相呼烏斯道

春草賦想舞燕之頻催聽啼鶯之互換田藝蘅條

鷹賦豈燕雀之能伍又何有于鷓鴣又釋鴛鴦賦在

鳥鳶而竄伏何燕雀之爭衡 鄧雲霄綠槐賦泥融  
飛燕沙暖眠鴛 周用鳴鳥賦燕雀今爲之紛紜烏  
鳶今爲之馳逐 陳衍玻璃鳥賦似燕無領似雀無  
角 程涓百雀賦作鳳皇之儔匹曾鶯燕之紛紜  
陳子龍倉庚賦與春燕而同蟄背霜雁而相違 徐  
渭畫鶴賦數丈輕綃方掛瀑一雙語燕忽驚行 貝  
瓊大韶賦妖倡爲妍兮嘯鸞鵠與燕鶯

附雜著

魏曹植鰕鮒篇燕雀戲藩柴安識鴻鵠遊又辨道論  
夫雉入海爲蜃燕入海爲蛤當夫徘徊其翼差池其

羽猶自識也忽然自投神化體變乃更與鼃鼃爲群  
豈復自識翔林薄巢垣屋之娛乎又姜嫄簡狄贊元  
鳥大跡殷周美祥 華歆勸進表虎豹鹿兔皆素其  
色雉鳩燕雀亦白其羽

宋鮑照與妹書石蟹土蚌燕箕雀蛤之儔

梁昭明三月啓魚遊碧沼疑是遠道之書燕語雕梁  
狀對幽閨之語又九月啓三千年之獨鶴暫逐雞羣  
九萬里之孤鵬權潛燕侶 元帝啓雀文始化燕羽  
猶在又序周王白雉之筮殷人飛燕之卜 何遜文  
燕飛蓮井初日照杏梁 徐陵玉臺新詠序驚鸞冶

袖時飄韓掾之香飛燕長裾宜結陳王之佩

陳江總玄圃石室銘祥梨吐秀瑞燕流響

北周庾信連珠楚壑旣填遊魚無托吳宮已火歸燕何巢

北齊朱瑒書孤墳旣築或蜚銜土之燕豐碑式樹時留墮淚之人

隋李延壽鮑照傳大丈夫豈可遂蘊智能使蘭艾不辨終日碌碌與燕雀相隨乎

魏文帝燕歌行羣燕辭歸雁南翔念君客遊思斷腸曹植言志詩神鸞失其儔還從燕雀居

晉阮籍咏懷不見南飛燕羽翼正差池傅休奕

戲于雲表燕躍于輕機陶潛春燕應節起高飛拂

塵梁

宋謝莊燕起知風舞礎潤識雲流鮑照乳燕逐草

蟲巢蜂拾花萼又春燕參差風散梅又猶勝吳宮燕

無罪待焚窠又髣髴衛女迅體絕飛燕先謝朓巢

燕聲上下黃鳥弄儔匹又花叢亂數蝶風簾入雙燕

又逢君後園燕相隨巧笑歸

齊劉繪差池若燕羽崩豸似龍鱗虞炎差池燕始

飛鷲陸草初暉邢劭簷喧巢幕燕池躍戲蓮魚

梁武帝東飛伯勞西飛燕 簡文帝春燕雙雙舞春

心處處揚又燕泥含復落鷓吟斂更揚又摘梅多繞

樹覓燕好窺簷又落花隨燕入游絲帶蝶驚又枝間

留紫燕葉裏發輕香又蝶颺紫空舞燕作同心飛又

日移孤影動羞對燕雙飛又燕來枝益軟風飄花轉

光又蝶黃花紫燕相追又翻堵蛺蝶戀花情容華飛

燕相逢迎又佩玉燕帖金驪又漢后憐名燕周王重

姓申 元帝帆隨迎雨燕鼓逐伺潮雞又新鶯隱葉

嚙新燕向窓飛又誰能對雙燕暝暝守空牀一作劉孝綽

又晨鳧移去舸飛燕動歸橈 庾肩吾不及銜泥燕

從來相逐飛又荷低芝蓋出浪湧燕舟輕又蜂歸憐

蜜熟燕入重巢乾又宋地鷓飛初湘川燕起餘 吳

均燕至他人鄉雁去還誰國又垂手忽迢迢飛燕掌

中嬌又羃歷蠶餌蜜差池燕吐泥又春蠶方曳緒新

燕正銜泥 鮑泉燕去欄恒靜蓮寒池不香 王訓

學舞勝飛燕染粉薄南陽 江淹袖中有短書願寄

雙飛燕 劉孝綽出洲分去燕向浦逐歸鴻又對此

歸飛燕銜泥繞曲房差池入綺幕上下傍雕梁 何

遜遊魚亂水葉輕燕逐風花又早雁出雲歸故燕辭

檐別又岸花臨水發江燕繞檣飛 蕭子顯翻鶯度



燕雙比翼楊柳千條共一色  
沈約遙裔發海鴻連  
翻出簷燕又綠幘文照耀紫燕光陸離又燕至葉未  
抽鴻來枝已素

陳徐陵平生燕領相會自得封侯又燕拾還蓮并風  
吹上鏡臺又徑狹橫枝度簾搖驚燕飛江總別燕  
差池自有返離蟬寂莫詎含情又春風送燕入簷窺  
暗開脂粉弄花枝又欲並迎春比翼燕常作照日同  
心花又苔生無意早燕入有言遲張正見詎得零  
陵燕隨風時共舞

北周庾信已歡無石燕猶欲棄泥龍又綠珠歌扇薄  
飛燕晚風長又洞浦落遵鴻長飈避巢燕又洞房花  
燭明蝶餘雙燕輕又燕燥還爲石龍殘更是泥又燕  
送歸菱井蜂啣上蜜房又自從昔別春燕分經年一  
去不相聞

隋煬帝窺簷燕爭入穿林鳥亂飛又洛陽城邊朝日  
暉天淵池前春燕歸又簷喧猶有燕陂靜未來鴻又  
宮木陰濃燕子飛薛道衡雁書終立效燕相果封  
侯

唐太宗欲知涼氣早巢空燕不歸又舞樓花梁燕歌  
迎鳥路塵昭宗登樓遙望秦宮殿茫茫祇見雙飛

燕 許敬宗舞商初赴節湘燕遠迎秋又翠翼搏禽

萃飛囊燕雀遊又祥鸞歌裏轉春燕舞前歸 謝偃

紫燕欲飛先繞棟黃鶯始弄即嬌人 上官儀瑤笙

燕始歸金堂路初稀又洞浦落遵鴻長颺送巢燕

盧照鄰生憎帳額繡孤鸞好取門前貼雙燕雙燕雙

飛繞畫梁羅幃翠被鬱金香又欲隨石燕沉湘水又

空梁無燕雀古壁有丹青 崔日用瑤筐彩燕先呈

瑞金縷晨雞未學鳴 張九齡燕雀感昏旦簷楹呼

匹儔 宋之問地形龜食墨墳土燕銜來又玳梁翻

賀燕金埒倚晴虹 崔液寂寂春花烟色暮簷燕雙

雙落花度 李嶠清風時入燕紫殿幾含秋 杜審

言海燕巢書閣山雞舞畫樓 閻朝隱鵲入巢中言

改歲燕銜書上道宜新 劉憲開冰池內魚初躍剪

綵花間燕始飛 蘇頲花間燕子棲鳩鵲竹下鷓鴣

繞鳳皇又息燕歸簷靜飛花落院閑 徐彥伯暗梁

聞語燕夜燭見飛蛾 駱賓王簷前歸燕並頭棲又

分念嬌鶯一種啼生憎燕子千般語 武三思燕雀

終迷橫海志 喬知之悠悠淇水曲綠燕入桑枝又

鳧燕將予遊鶯燕從雙棲 張均擇木猿知去尋泥

燕獨過 沈佺期盧家少婦鬱金堂海燕雙棲玳瑁

梁 [張絃] 春風吹盡燕初至此時自謂稱君意 [趙

彥昭] 剪綵花嫩色驚銜燕輕香誤採人 [徐堅] 辭燕

依空繞賓鴻入聽哀 [丁仙芝] 曉幕紅巾燕春城白

項鳥只來梁上語不向府中趨 [殷遙] 野花垂子落

江燕引雛飛 [賀朝] 鴻歸燕相續池邊芳草綠 [張

若虛] 燕入窺羅幕蜂來上畫衣 [庫狄履溫] 燕厦欣

成托鷓行濫所如 [王維] 山中燕子龕路劇羊腸惡

又每候山梅發時同海燕歸又雙燕初命子五桃新

作花又不及紅簷燕雙棲綠草時 [崔顥] 棠梨宮中

燕初至葡萄館裏花正開 [劉長卿] 隔嶺春猶在無

人燕亦來又鶯啼燕語報新年馬邑龍堆路幾千又

家空歸海燕人老發江梅又黃鶴翅垂同燕雀青松

心在任風霜又獨立雖輕燕雀羣孤飛還懼鷹鷂搏

[賀蘭進明] 君不見梁上泥秋風始高燕不棲 [孟

浩然] 燕覓巢窠處蜂來造蜜房 [李白] 越燕喜海日

燕平聲鴻思朔空又胡燕別主人雙雙語前簷又翔鷹

別海裔越燕辭江樓又寄言燕雀莫相啁自有雲霄

萬里高二句一本作高適又忽逢江上春歸燕啣得雲中尺

數書又萬里交河水北流願為雙燕泛中洲又遊莫

逐炎州翠棲莫近吳宮燕又紫燕黃金瞳啾啾搖綠

髮 [韋應物] 春雷一聲發驚燕亦驚蛇 [又] 冥冥花正  
開颺颺燕新乳 [岑參] 借問使乎何時來莫作東飛  
伯勞西飛燕 [又] 京師故人不可見寄將兩眼看飛燕  
[梁銓] 曉燕喧喉裏春鶯嚙舌邊 [高適] 逸氣舊來  
凌燕雀高才何得混妍媸 [又] 燕雀何翩翩余亦愜所  
從 [杜甫] 江中淘河嚇飛燕銜泥却落羞華屋 [又] 巢  
燕養雛渾去盡紅花結子已無多 [又] 泥融飛燕子沙  
暖睡鴛鴦 [又] 遠鷗浮水靜輕燕受風斜 [又] 君不見犢  
上鷹一飽則飛掣焉能作堂上燕銜泥附炎熱 [又] 玄  
蟬無停號秋燕已如客 [又] 簾戶每宜通乳燕兒童切

莫打慈鴟 [又] 信宿漁人還汎汎清秋燕子故飛飛 [又]  
梁間燕子休驚怕亦未搏空上九天 [又] 自去自來堂  
上燕相親相近水中鷗 [又] 芹泥隨燕嘴花蕊上蜂鬚  
[又] 風鴛藏近渚雨燕集深條 [又] 落花游絲白日靜鳴  
鳩乳燕青春深 [又] 春隔離人晝秋期燕子涼 [又] 巢邊  
野雀羣欺燕花底山蜂遠趁人 [又] 暫止飛鳥將數子  
頻來語燕定新巢 [又] 鳴蜩隨泛梗別燕赴秋菰 [又] 蟲  
書玉佩蘚燕舞翠帷塵 [又] 雁兒爭水馬燕子逐檣鳥  
[又] 岸花飛送客檣燕語留人 [又] 魚吹細浪搖歌扇燕  
蹴飛花落舞筵 [錢起] 仙雞引敵穿紅藥宮燕銜泥

落綺疏又分與玄豹隱不爲湘燕飛又秋雲久無雨  
江燕社猶飛張繼海土珊瑚枝年年寄春燕  
韓翃楚雲朝下石頭城江燕雙飛瓦棺寺秦系入定  
幾時將出定不知巢燕污袈裟顧況紫燕西飛欲  
寄書白雲何處逢來客又引燭踏仙泥時時亂乳燕  
又大弦似秋雁聯聯度闕隴小弦似春燕喃喃向人  
語賈牟望幸宮嬪老迎春海燕初  
賈鞏燕迷新畫屋春識舊花叢戴叔倫玉戶看早梅雕梁數歸  
燕又林花落處頻中酒海燕飛時獨倚樓又燕子不  
歸春色晚一汀烟雨杏花寒又乳燕入巢笋成竹誰

家二女種新穀

李益爲謝虹梁燕年年妾獨棲

楊凝綠窓孤寢難成寐紫燕雙飛似弄人

司空曙

草靜多翻燕波澄乍露魚

權德輿簷前雙燕飛落

妾相思淚又乳燕雙飛鶯亂啼百花如繡照深閨又

青鳥靈兆久白燕瑞書頻又簷前曉色驚雙燕戶外

春風舞百花韓愈雙燕無機還拂掠遊蜂多思正

經營柳宗元奄忽雙燕栖虹梁

劉禹錫銜泥燕

子爭歸舍獨自狂夫不憶家又草堂無主燕飛回又

舊時王謝堂前燕飛入尋常百姓家又雨餘人吏散

燕語簾櫳靜又簷燕歸心動鞦鷹俊氣生又寂寞蟬

聲靜差池燕羽回又岡頭花草齊燕子東西飛又山  
雞臨清鏡石燕赴遙津又江南春色何處好燕子雙  
飛故官道又笙簧百轉音韻多黃鸝吞聲燕無語  
張仲素春風淡宕景悠悠鶯轉高枝燕入樓又北印  
松柏鎖愁烟燕子樓人思悄然孟郊千里無人旋  
風起鶯啼燕語荒城裏張籍試問漁舟看雪浪幾  
多江燕荇花開又黃雀銜草入燕窩嘖嘖啾啾白  
日晚又晴沙鳴乳燕芳樹醉遊人李賀刺香滿地菖  
蒲草雨梁燕語悲身老又脉脉花滿樹翾翾燕繞雲  
又燕語踏簾鈎日虹屏中落又上幕迎神燕飛絲送

百勞又蒲如交劍風如薰勞勞胡燕怨酣春又檀郎  
謝女眠何處樓臺月明燕夜語又重圍如燕尾寶劍  
似魚腸元稹燕巢纔點綴鶯舌最惺忪又高屋童  
稚少春來歸燕多又鶯聲愛嬌小燕翼翫透迤又有  
鳥有鳥名燕子口中未省無泥滓又庭柚有垂實燕  
巢無宿雛我亦辭巢燕茫茫焉所如又鸞鳳一已顧  
燕雀永不過又寂寂空堂天欲曙拂簾雙燕引新雛  
又晝靜簾疎燕語頻雙雙鬪雀動街塵又燕巢官舍  
內我爾俱爲客又眞珠簾斷蝙蝠飛燕子巢空螢火  
入又蜂憐宿露攢芳久燕得新泥拂戶忙又前事風

隨扇歸心燕在梁又雙燕營巢始西別百花成子又  
東還又蝸甲暗枯秋葉墜燕雛新去夜巢空又急揮  
舞袖催花燕慢逐歌詞弄小娘白居易祥鱸降伴  
趨庭鯉賀燕飛和出谷鶯又奉簾放巢燕投食施池  
魚又宮鶯百轉愁厭聞梁燕雙棲老休妬又薄泥新  
燕影忙蜜熟蜂聲又慶傳媒氏燕先賀喜報談家鳥  
預知又畫堂三月初三日絮撲窓紗燕拂簷又繞壁  
暗蛩無限思戀巢寒燕未能歸又探巢吞燕卵入簇  
啄蠶蟲又社近燕影稀雨餘蟬聲歇又豆苗鹿嚼解  
烏毒艾葉雀啣奪燕巢又燒香卷幕坐風燕雙雙飛

又林晴有殘蟬巢冷無留燕又臥龍雲到須先起蟄  
燕雷驚尚未飛又幾處早鶯爭暖樹誰家新燕啄春  
泥又將歸梁燕還重宿欲滅窓燈却復明又燕子樓  
中霜夜月秋來只爲一人長劉言史芝草迎飛燕  
桃花笑俗人雍裕之應有春魂化爲燕年來飛入  
未央栖李廓歌人踏月起語燕卷簾飛李紳涸  
魚思雨潤僵燕望雷蘓又燕子不藏雷不蟄燭烟昏  
霧暗騰騰又伯勞飛遲燕飛疾垂楊綻金花笑日  
鮑溶雙燕不巢樹浮萍不出山周匡物水國寒消  
春日長燕鶯催促花枝忙殷堯藩石頭城下春生

水燕子堂前雨長苔 施肩吾古人漫歌西飛燕十

年不見狂夫面 姚合樹暗蟬吟咽巢傾燕語愁又

簷燕酬鶯語鄰花雜絮飄 章孝標燕掠平蕪去人

衝細雨來 張祐雨燕銜泥近風魚晒網遲又清曉

洞房開佳人喜燕來又禁門宮樹月痕過媚眼唯看

宿燕窠又玉釵斜白燕羅帶弄青蟲 杜牧空堂病

怯階前月燕子嗔垂一竹簾又簾前白艾驚春燕籬

上青桑待晚蠶二句一本又野水差新燕芳郊哢夏

鶯又燕任隨秋葉人空集早潮又還有玉樓輕薄女

笑他寒燕一雙雙又初語燕雛知社日習飛鷹隼識

秋風又江樓今日送歸燕正是去年題葉時又信已

憑鴻去歸唯與燕期 許渾不及營巢燕西風相伴

歸又帶暖山蜂巢畫閣欲陰溪燕集書堂又青雲豈

有窺巢燕濁水應無避釣魚又石燕拂雲晴亦雨江

純吹浪夜還風又紅花半落燕子飛同客長安今獨

歸又宮盡燕聲少臺荒麋迹多又雨晴巢燕急波暖

浴鷗閑 李商隱魚兒懸寶劍燕子合金甌又歸來

展轉到五更梁間燕子聞長歎又海燕參差溝水流

同君身世屬離憂又鏡好鸞空舞簾疎燕誤飛又回

廊簷斷燕飛去小閣塵凝人語空又自喜蝸牛舍兼



容燕子巢又睥睨江鴉集堂皇海燕過又不知人萬  
里時有燕雙高薛逢桂殿江鳥對雕屏海燕重又  
鶯戀蝶深啼綠樹燕窺巢穩坐雕梁又纖腰怕束金  
蟬斷髻髮宜簪白燕高趙嘏路繞秋塘首獨搔背  
羣燕雁正呼號又明日便隨江燕去依依俱是故巢  
空又語風雙燕立裏樹百勞飛又正憐佳月夜深坐  
池上暖回燕雁聲又自恨身輕不如燕春來長繞御  
簾飛項斯景遍歸簷燕歌喧已醉身韓琮仙鼠  
猶驚燕莎雞欲變蛩鄭嵎八姨新起合歡堂翔鸞  
賀燕無由窺李羣玉江行好風日燕舞輕波時又

沅水羅紋海燕回柳條牽恨到荆臺温庭筠幽軌  
鳴機雙燕窠又短簷喧語燕高木墮饑鼯又鵲歸燕  
去兩悠悠青鎖西南月似鈎又香燭有花妨宿燕畫  
屏無睡待牽牛又窓中草色妬雞卵盤上芹泥憎燕  
巢又試逐漁舟看雪浪幾多江燕荇花開又白蘋風  
起樓船暮江燕雙雙五兩斜又微紅奈蒂惹蜂粉潔  
白芹芽穿燕泥又一雙青瑣燕千萬綠楊絲又畫閣  
不開梁燕去朱門罷掃乳鴉歸又殿巢江燕砌生蒿  
十二金人霜炯炯李頻異果因僧摘幽窓爲燕開  
又朱宮晚樹侵鶯語畫閣香簾奪燕窠李端複洞

潛棲燕疎楊半翳蟬又乳燕拾泥依古井鳴鳩拂羽  
 歷花林李郢蜀客帆檣背歸燕楚山花木怨啼鶻  
又薄雪燕翥紫燕釵釵垂簾簸抱香懷曹鄴乳燕  
 不歸宿雙雙飛向林又江邊野花不須採梁頭野燕  
 不用親又何當生燕羽時得近雕梁儲嗣宗空憶  
 去年春雨後燕泥時污太元經于濇惟有舊巢燕  
 主人貧亦歸又當年樂貞獨巢燕時為友歐陽玘  
 桃花飄岫幌燕子語松關許棠蛩聲秋不動燕別  
 思仍閑皮日休壞塹生魚沫頽簷落燕兒又梁間  
 燕不睡應怪夜明簾又濃似猩猩初染素輕如燕燕

欲凌空又堂扃洞裏千秋燕廚蓋巖根數斗泉陸  
 龜蒙望盡南飛燕佳人斷消息又燕輕梢墜葉蜂嬾  
 臥蕉花又斷簾從燕出敝弁請人簪又逆風障燕尋  
 常事不學人前當妓衣又紫燕長巢硿又桁排巢燕  
 燕屏畫醉猩猩鄭璧燕雨似翻瑤渚浪雁風疑卷  
 玉綃紋司空圖草堂琴晝已判燒猶托鄰僧護燕  
巢又山田漸廣後時到村舍新添燕亦多又簷前減  
 燕菊添芳燕盡庭前菊又荒又燕語曾來客花催欲  
 別人又梁間客燕正相欺屋上鳴鳩空自鬪又燕拙  
 營巢苦魚貪觸網驚又只應巢燕惜未必主人留又

舴艋援偷上蜻蜓燕競飛又燕辭旅舍人空在鶯出  
疎籬菊正芳 〔張喬〕雲離僧榻曙燕遠鳳樓春 〔李  
山甫〕驟裏似龍隨日換輕盈如燕逐年新又石澗新  
蟬蛻茅簷舊燕窠 〔李咸用〕鶯點平林燕別軒相逢  
相笑話生前又飛燕有情依舊閣垂楊無力受東風  
又石燕翻空重蟲羅綬滴稠又草穗翹祥燕陂椿吐  
白蓮 〔羅鄴〕白玉尊前紫桂香迎春閣上燕雙雙又  
乘時得路何須貴燕雀鸞凰各有機又深鎖笙歌巢  
燕聽遙瞻金碧路人愁 〔方干〕八月蕭條九月時沙  
蟬海燕各分飛又掠草並飛憐燕子停橈獨飲學漁

人又滿目亭臺嘉木繁燕蟬吟語不為喧又常聞大  
厦堪棲息燕雀心知不敢言又梁燕窺春醉巖猿學  
夜吟又一鷗難成燕雀伍非熊本是帝王師又若見  
故交皆散去卽應新燕不歸來 〔羅隱〕欲憑尺素邊  
鴻嬾未定雕梁海燕愁又犀慚水府渾非怪燕說吳  
宮未是災又燕翻永日音聲好柳舞空城意緒多  
唐彥謙野花紅滴滴江燕語喃喃又自嫌暫作仙城  
守不逐鶯來共燕飛又遠客迎燕戲亂響隔鶯啼  
鄭谷驚燕拂簾閑睡覺又歌塵更有分明處照得歌  
塵下燕梁 〔韓偓〕果樹陰成燕翅齊西園永日閑高

閣又卷簾燕子穿人去洗硯魚兒觸手來  
吳融紫燕黃鸝雖別離一舉千里何難追  
又有蟬墮髻樣無燕著釵行  
黃滔冰鋪梁燕噤霜覆瓦松傾  
徐寅年年燕是雕梁主處處花隨落月塵  
僧齊已含桃花謝杏花開杜宇新啼燕子來  
貫休面如玉盤身八尺燕語清  
猗戰袍窄

五代南唐嗣主李璟風壓輕雲貼水飛  
乍晴池館燕爭泥  
和凝天籟迎風社燕歸  
渚蓮香老碧苔肥  
又幾處按歌齊入破  
雙雙雛燕出宮墻  
韋莊纔見早春鶯出谷已驚  
新夏燕巢梁  
又龍翻瀚海波濤壯  
鶴

出金籠燕雀驚又百口似萍依廣岸  
一身如燕戀高

簷又風鶯移樹轉雨燕入樓飛  
李建勳細柳緣堤

少過人平蕪隔水時飛燕又暖艷動隨鶯翅  
落冷香

愁雜燕泥乾  
孫魴燕入晴梁語鶯從暖谷遷  
陳

陶不隨海燕柏梁去應無玉環銜報恩  
李中曲澗

泉承去危簷燕帶歸又虛窓從燕入壞屐任苔封

譚用之暖掠紅香燕燕飛五雲仙佩曉相攜  
劉兼

舞袖逐風翻繡浪歌塵隨燕下雕梁  
周岳秀風濤

澎湃魚龍舞棟宇崢嶸燕雀遷  
名媛花藥夫人玉

宇無人雙燕去一彎新月上金樞  
又漏永禁宮三十

六燕回爭踏月輪歸

梁瓊舞時飛燕列夢裏片雲

來

張窈窕雙燕不知腸欲斷銜泥故故傷人飛又

滿院花飛人不到含情欲語燕雙雙

薛濤何事碧

溪孫處士伯勞東去雁西飛

明女龍潭女簷上簷

前燕語新花開柳發自傷神

廣利王女燕語春泥

墮錦筵情愁無意整花鈿

吳越失姓名人黃鶯歷

歷帝紅樹紫燕關關語畫梁

無名氏二月江南花

滿枝風輕簾幙燕爭泥

宋徽宗小雨飛輕助燕泥

李昉樹頭百轉鶯鶯語

梁上新來燕燕飛

田錫樓閣巢寒聞燕語又滄波

燕又歸尺書胡斷絕又

恨想同

寇準日暮長廊聞燕語輕寒微雨麥秋時

楊億燕重銜泥遠鴻驚避弋高

錢惟演賀燕翻

飛地靈芳茂遂時

李宗諤舟輕飛燕袂臺迥楚王

襟

林逋晚燕巢猶濕新篁籜未披又烟含晚樹人

家遠雨濕春蒲燕子低又濃吐雜芳薰嚙嘒濕飛雙

燕破漣漪

魏野壞簷巢燕少積雨病蟬多

夏竦

燕雀紛紛出亂麻漢江西畔使君家

范仲淹樓閣

春深來海燕池塘人靜下仙鳧

文彥博巧囀鶯遷

木驚飛燕入簾又紫燕休巢幕蒼鷹已下鞞

歐陽

修辛勤營一室有類燕歸梁又燕下翻池草鳥驚傍  
井桐又晚鳥藏柳栖殘照遠燕傷風失故樓又萍匝  
汀洲魚自躍日長欄檻燕交飛又柱將玳瑁雕爲押  
遮掩春堂礙燕飛又不驚樹裏禽初變共喜釵頭燕  
已來蘇舜欽不慣東風促行棹羨他雙燕逆風飛  
又得泥初燕喜避弋去鴻驚又雨外傷飄燕樓頭羨  
去鴻梅堯臣江燕入朱閣海棠繁錦條又廢基臺  
殿不可識玉燕舊棲王謝堂余靖語燕啼鶯自撩  
亂驚人殘夢是春朝張公庠宮娥不放珠簾下待  
得東風送燕來蔡襄曾乘春飲繞花畦花底餘香

入燕泥司馬光高燕翻飛驚紫綬餘花點綴託朱  
輪又巖靜聞冰坼巢空喜燕來王安石鶯猶求舊  
友燕不負貧家又雜樹繞花鶯引去壞簷無幕燕歸  
來王安國苦憐燕子寒相並生怕梨花晚不禁又  
春風池沼魚兒戲暮雨樓臺燕子閑范純仁深沉  
神物潛擁護顯敞燕雀如矜驕韓維燕語聞多日  
蠶眠過幾宵又金花鏤勝隨春燕綵仗縈絲逐土牛  
王令長鴻抱寒去輕燕逐春來文同燕泊簾鉤  
語峰尋筆架鳴又花間蜂去抱黃粉苔上燕來銜綠  
泥又燕尾歸艤正穩鴨頭春水方深蘇軾有如社

燕與秋鴻相逢未穩還相送又鳴鳩乳燕初睡起白  
波青嶂非人間又詩人老去鶯鶯在公子歸來燕燕  
忙又朱門有遺啄千里來燕雀又不用游從誇燕子  
直將氣燄壓波神又不作相隨燕空吟久在鶯又繭  
館乍欣蠶浴後禡壇猶記燕來時又蛾翠斂時聞燕  
語淚珠彈處見鴻歸又多情好與風流伴不到雙雙  
燕語時又燕子人亡三百秋卷簾那復似揚州又美  
人睡起薄梳洗燕舞鶯啼空斷腸又佳人自鞚玉花  
驄翩如驚燕踏飛龍又鈎簾歸乳燕穴窓出癡蠅又  
江令蒼苔圍故宅謝家語燕集華堂又新巢語燕還

窺硯舊雨來人不到門又燕尾稱呼理未便剪裁雲  
葉却天然又短長肥瘠各有態玉環飛燕誰敢憎  
蘓轍燕子卑無取滕王遠可撫又夜看飛燕勝朝日  
月暗還須明月珠 秦觀妾願身爲梁上燕又百尺  
樓高燕子飛又將軍一去音容遠只有年年舊燕歸  
賀鑄燕子西飛書可待訪吾少明安好在又聊彈  
別燕弄寄謝陽臺雲又鳴鼃雨細生梅潤颺燕風高  
報麥秋 陳襄春陰漠漠燕飛飛可惜春光與子違  
郭祥正燕子有情歸舊棟柳條牽恨拂征衣又最  
惜去年梁上燕會隨春色到貧家又黃鸝出谷鳴聲

軟紫燕營巢意思知  
王仲修雨來雙燕歸應早先

上珠簾十二行  
又珠網簾深塵不到靜聞燕子引雛

聲  
黃庭堅柳條榆莢弄顏色便恐入簾雙燕來  
又

青春白日無公事紫燕黃鸝俱好音  
又厦成燕雀賀

水滿鳧雁翥  
晁補之雨園鳩與婦風徑燕將兒

晁說之頡頏鶯銜逐呢喃燕聚謀  
又游絲飛空日停

午乳燕巢成寂無語  
張來日暖風簷翻乳燕曉寒

露柳嚙流鶯  
又蝸角已枯粘粉壁燕泥時落汗書牀

又人間簾幙燕相語風暖園林柳半黃  
又蒼鳩呼雨

屋東啼麥穗初長燕子飛  
又簾卷似迎輕燕入柳深

時有暗蟬嘶  
又屋冷深藏燕槐疎濕抱蟬  
陳師道

畫梁初著燕廢沼已鳴蛙  
又卷簾通燕子織竹護雞

孫  
彭汝礪偶隨鷗獨往却與燕俱還  
又蛺蝶能飛

燕能舞鳳凰在雲鴻在渚  
蘓頌又疑花燈九光爛

蜂蝶不敢來窺爭  
李昭玘小雨廉纖春欲歸桃花

吹盡燕來遲  
李之儀空被梁間偷眼燕黃蜂原是

竊香人  
洪炎影歸巢幕燕聲散宿林鴉  
劉夬雅

燕掠翩翩疎蟬弄凄斷  
毛滂屋寒無燕雀豈獨少

賓客  
楊時獨坐移牀臥深屋細看新燕巧經營

何大圭簷間乳燕未成語庭下石榴爭放花  
傅察



乳燕飛還墜鳴蟬咽復調 趙鼎崎嶇石路燕尾分  
喻汝礪雁奴到日人初別燕子來時我亦還 歐  
陽澈包藏惟恐泄真香尋常嬌怯羞鶯燕 葉夢得  
巢成輕棄去我豈秋社燕 廖剛曉戶玉樓迷舊燕  
晚村瓊樹點寒鴉 李彌遜細草養泥留燕子好花  
藏蜜待蜂兒 周紫芝燕來不礙著簾遮要聽雙飛  
語日斜又桃花落後燕雙飛三度清明換客衣又燕  
子飛來人不到鹿葱花在雨中開又掃地花狼籍開  
門燕往來又船從几席過燕掠水波飛又等閑飛燕  
子容易落梨花又千里歸心秋後燕一年春事雨前

茶又催歸燕子春何限打盡桃花雨未休 呂本中

簷影已飛新社燕水痕初沒去年沙 陳與義桃花

明薄暮燕子鬧微陰 沈與求遣興鵝兒酒銷魂燕

子樓又草滿池塘春漲淺燕歸簾幙午風輕 曹勛

合歡帶緩新粧薄燕子樓深晚色鮮又巢燕高低尋

畫棟宿雲濃淡作輕陰又燕尾溪頭曉色分峰腰山

斷日斜曛又漢陽樹遠江烟起黃鶴樓空燕子歸又

明語學流鶯巧身同飛燕 鄭剛中天晴風日温時

有燕雀過又寒在蜂來少風斜燕不遲 趙賜絕色

負無脂粉態真香寧許燕鶯知 朱松泥徑無人度

風簾爲燕開 范成大春晚軒窗人獨困日長籬落  
燕雙飛又墓林棲鳥各深枝燕子知巢觸幔飛又伯  
勞東去燕西飛同寄春風二月時又莫放珠簾透洞  
戶從教燕子作雙飛又燕踏花枝語峰榮柳絮歸又  
老翁歌枕聽鶯嘯童子開門放燕飛又晴絲千尺挽  
韶光百舌無聲燕子忙又彭觥鐵拄杖磔磔棲燕驚  
又春深有燕捎飛蝶日暮無人掃落花又曉寒燕雀  
噤春陰又堂燕幾番炎熱冰蠶一繭綢繆又伶俚愁  
孤鴛鴦閃亂飢燕又困來如醉復如愁不管低鬟釵  
燕溜 范浚 一雙胡燕薇叢外銜得芹泥來補窠又

語燕勞勞上簾額又燕落雨知節鳩鳴天欲晴 陸  
游空庭日暖花自舞簾卷巢乾燕新乳又沾泥花半  
落掠水燕交飛又新泥添燕戶細雨濕鶯衣又新蟬  
落庭樹癡燕集屏風又輸與新來雙燕子銜泥猶得  
帶殘紅又夢到畫堂人不見一雙輕燕蹴箏絃又釀  
成新蜜蜂兒靜分盡殘泥燕子歸又風和海燕分泥  
處日永吳蠶上簇時又蜂脾蜜滿花初過燕嘴泥新  
雨未乾又鳴鳩日暖遙相應雛燕風柔漸獨飛又多  
事林鳩管情雨依人海燕度炎涼又密葉成陰花寂  
寂舊巢添土燕匆匆又小魚出水圓紋見輕燕穿簾

折勢成又花貪結子無遺萼燕接飛蟲正哺雛又題  
詩想見初削瓜寄到茅堂已歸燕 朱子梁燕起高  
飛雲雁亦南翔 姜夔漠漠江南燕語于飛似報初  
春 王十朋龍孫初迸日燕子却來時又明年高堂  
來燕子想見繁紅映林樾 陳造住筆訊鶯燕把盞  
屬江山又垂楊院宇斜陽裏還是鈎簾待燕歸 陳  
傅良寄身同燕社明月又秋砧 楊備舊時簾幙無  
由覓祇有年年新燕飛 劉翰去年君去燕歸時今  
日燕來君未歸又烏鵲數聲傳喜語梁間燕子亦能  
歌 趙子覺迎風乳燕忽雙去隔雨黃鸝又一聲

王應麟花明柳暗白日靜鶯穿燕颺青春遲 張良  
臣睡起畫簷雙語燕梨花留得夜來雲又傷心燕子  
重來地無復人吹紫玉簫又燕子還來壞戟門 徐  
璣開門驚燕子汲水得魚兒 高翥燕子飛官驛鷗  
羣引客船又花下笑聲人共語柳邊樁影燕初飛  
葛天民新巢惟有燕生子小巷已無人賣花又畫船  
已載先生去燕子無人自入簾又楊柳稍傳鶯割據  
茆茨敢望燕商量 葉紹翁篆密蟲留字銜泥燕理  
家 裘萬頃簷間新燕幾時來簷外閑花往歲栽又  
無所用心魚在沼居然生子燕成窠 張弋樹暗鴉

巢隱簷空燕語稀又年來如旅燕秋至卽移居劉

學箕畫橋貼水輕飛燕綠牖依山靜轉鶯吳淵綠

深夜雨龜魚遠紅壓春風鶯燕遲沈說燕翼初乾

綠滿池桑陰收盡麥黃時杜範一年春事逐飛蓬

燕語千愁未許通戴復古憶聞春燕語雕梁又聽

秋鴻叫斷腸又閉門不管花開落避俗惟通燕往來

又鶯啼花雨歇燕立柳風微嚴粲隨分山中好低

簷燕有巢姚鏞梨花欲墜風更寒燕子不歸春自

老方岳燕子未歸花落盡一簾香雪晚風寒又池

塘水滿蛙成市門巷春深燕作家又啼鶯幾處垂垂

柳乳燕雙飛片片花又沙頭漠漠杏花雨依舊年時

檣燕語又情知社近迎新燕盡卷湘簾不下鈎又正

欠蹇驢相就語其如征燕欲歸忙又燕子今年捐社

來翠瓶猶有去年梅又長沙烟草幾今古春去春來

燕子忙又檣竿兩燕子也帶笑聲飛又花落無聲春

取去社寒有信燕將來又往來屑屑無家燕去任匆

匆且過僧又丁日不爲春燕許卯年猶放佛狸還又

綵燕雙簪翡翠翹巧裁銀勝試春韶趙汝鎡日月

忙鳥兔春秋遞燕鴻又雙尾蝶度墻雙飛燕歸梁

利登寒山此去無飛燕白水初傳有遠鷗鄭震門

外數枝楊柳薄一春鶯燕不曾來  
〔周弼〕年年歸燕

相看覩空摘春泥損畫衣  
〔又〕傷心城上燕飛入館娃

宮  
〔許棐〕恨君得似梁間燕社日辭家社日歸  
〔又〕自

憐不及春江燕一路相隨伴好吟  
〔施樞〕東風漸屬

新桃李簾幙深深燕子飛  
〔又〕芳草迢迢客路長柳邊

吹絮燕泥香  
〔李會伯〕短樹巢歸燕荒城宿亂鴉  
〔又〕

身猶尋壘燕聲雜宿林鴉  
〔宋伯仁〕雨旣雲脚重風

約燕身輕  
〔王同祖〕百花時節燕鶯忙  
〔又〕無情梁上

雙雙燕帶取秋光一半歸  
〔鄒登龍〕飛燕不歸香滿

地百花叢裏聽啼鴉  
〔羅與之〕蟬聲燕語細相和池

雨纔浮點點荷  
〔俞桂〕認得主人雙燕子香泥銜去

理新巢  
〔又〕春歸鶯囀嬾風急燕飛斜  
〔武衍〕驀忽帶

歸梁上燕等閑惹住柳邊蜂  
〔趙希櫟〕春心驚海燕

曉夢入溪鷗  
〔何應龍〕歸來頗費支撐力羞見春風

燕子巢  
〔又〕春風燕子樓前過飄落梨花雪一枝  
〔又〕過

了燒燈望燕歸  
〔吳惟信〕燕子何曾細說愁  
〔又〕春風

燕子虛簷外夜雨蛩聲小徑中  
〔黃文雷〕尋常百姓

幾番換那有當年燕子飛  
〔又〕陂湖漾漾初侵路蜂燕

紛紛各理家  
〔葛起耕〕燕子不歸花落盡等閑飛過

柳邊樓  
〔陳允平〕重重簾幙燕翩翩塵鎖朱樓十二

絃又一雙燕子歸來後十二紅樓卷繡簾又燕子不

歸春漸老東風開盡刺桐花陳鑒之蛙跳蒲細細

燕沒絮濛濛張至龍燕不傳家猶教子又雀食野

人田燕棲公子堂何基輕陰薄薄籠朝曦小雨斑

斑濕燕泥羅椅古人相逢未易得紫燕西飛東伯

勞魏新之笛聲牛出後酒味燕來初邵桂子

枕尋春夢初覺柳花風暖燕新來錢大椿燕子銜

泥已下簾深深庭院薄寒天趙若樾燕子不來花

滿地一痕新月又西樓又林外一鳩雨柳邊雙燕風

姚孝錫迎風雙燕斜梁棟巷陌幾家無主燕池

塘一種爲官蛙又鵲樹枝空愁見月燕巢泥冷不宜

秋劉辰翁新燕池塘綠雨肥初晴水暖日光微

吳錫疇釀蜜山蜂初割戶銜泥梁燕已成家又不嫌

貧有雙飛燕依舊銜泥自往還文天祥兩兩漁舟

搖下雙雙紫燕飛回又雁棲新月江湖滿燕別斜陽

巷陌空林景熙斜陽巷陌語初燕新水池塘生細

魚范協年年如燕一還家又訪幽居過水涯謝

翺蜀雨何人在吳宮紫燕歸又無家借燕住離別又

經年又朝元閣下歸來燕不見前頭鸚鵡言趙夔

之拂牀倚枕晝初長好夢驚回燕語忙林子明雞

豚祝罷成長席鶯燕聽來隔短墻  
胡峴草青隨意  
牛羊臥門靜無人燕雀多  
黃景昌未多桑葉蠶初  
浴更小茅茨燕亦飛  
姜霖麥隴風微牛睡穩芹塘  
泥滑燕歸忙  
戴東老拂去梁塵招燕乳撥開簷網  
看蜂營  
羅公叔所憂燕雀雜坐更鴻鵠藏  
王鎡  
夾泥花上燕雀邊翠箔桑空蠶又眠  
呂人龍欲憑  
鶯燕留春住無奈東風信杜鵑  
九山人君看浣花  
堂上燕芹泥雖好亦知還  
方外道士黃希旦殘蟬  
空自怨歸燕爲誰忙  
葛長庚燕方尋故壘蜂已葺  
華房又燕雛告訴花都落鳩婦叮嚀雨速晴  
釋惠

洪玉纖拾礫抵翠羽鶯燕笑語殊不忙  
又明年過此  
還相見應及春風社燕前  
居簡蟻酣停掃砌燕乳

記鈎簾  
斯植無風山自雨有主燕還來  
永頤風

晚低輕燕川明媚浴鷺  
了慧此處農桑雖是僻多

情鶯燕不嫌村  
名媛恭聖楊皇后迎春燕子尾纖

纖拂柳穿花掠翠簷  
李清照梁燕語多終日在蓄

薇風細一簾香  
朱淑真柳垂新綠膩烟光紫燕惺

鬆語畫梁  
又燕舞鶯歌晷永簾幙無人門宇靜  
又

寂寂珠簾歸燕未子規啼處一春愁  
又燕隨狂絮入

簾飛  
高氏楊花日日長無定海燕年年却有歸

温婉小花靜院東風起燕燕鶯鶯拂桃李  
〔女仙燕〕子未來春寂寞小窓和雨夢梨花

金密國公璫陂水荷凋晚茅簷燕去涼  
〔宇文虛中〕

翻然南飛燕却背北歸鴻  
〔吳激〕天氣乍晴花滿樹

人家久住燕雙飛  
〔高士談〕鳴鳩逐婦婦欲去燕子

引雛雛不來  
〔馬定國〕燕泥半落烏衣巷柳色全添

綠綺窓又數家燕雀新雛出是處園林綠顆成  
〔又〕金

彈不徒驚燕雀春雷終待起龍蛇  
〔祝簡〕多情却愛

僧堂燕才得春風却再來  
〔朱之才〕春光三月濃于

酒燕燕雙飛鶯喚友  
〔劉著〕燕巢幕上終非計雞畜

樊中政可憐  
〔党懷英〕燕泥庭草爭工拙何似當年

陌上花  
〔趙秉文〕梁間有雙栖巢傾覆其子又補新

巢泥  
〔又〕留得紫威花上露幾招渴燕下雕梁  
〔又〕燕蹴

簷花墮茵蓆魚搖波日動欄杆  
〔又〕祇恐東風易零落

兔葵燕麥又青青  
〔蔡珪〕灼灼向來花又笑翩翩幾

處燕子飛  
〔周昂〕不藉蛟龍便虛成燕雀忙  
〔朱自

牧疎疎細雨槐花落寂寂虛堂燕子來  
〔馮延登〕仙

舟倒影涵魚藻畫棟消香落燕泥  
〔張珩〕飽肉豺狼

喜傾巢燕雀驚  
〔雷瑄〕爲語雕梁雙燕子春來秋去

傍誰飛  
〔郭邦彥〕棗花初落路塵香燕掠麻池乍韻



頰 [王元粹] 片雲送雨山頭黑，傍水低飛燕子忙。又  
水邊人去燕爭泥，風動綠荷香滿溪。 [杜佺] 垂柳陰  
陰水拍堤，春晴茅屋燕爭飛。 [鮮于溥] 閑身健在須  
行樂，燕語鶯啼春又殘。 [辛愿] 陋室何妨似燕窠，暮  
年終得返漁簑。 [又] 鶯銜晚色啼深樹，燕掠春陰入短  
墻。 [元格] 簾間飛燕時窺影，鑑裏驚鸞易斷腸。 [李  
俊民] 華表鶴來猶是客，烏衣燕去不知還。 [又] 雨中燕  
子還留客，風裏楊花欲送行。 [又] 慙愧畫梁雙燕子，笑  
人今日又天涯。 [又] 尚憐相賀巢邊燕，知爲誰甜花底  
蜂。 [王子可] 凭欄山色春風裏，喚得鶯兒燕子飛。

陳庚 蜂粘落絮飛還墜，燕認新巢去復來。 [元好問]  
金谷樓臺悄無主，燕子不來花著雨。 [又] 殷勤雙燕語  
應自謝家來。 [又] 笑殺畫簾雙燕子，秋千紅索海棠風  
又飛。黃老去空寄骨，拙燕歸來只舊巢。 [又] 鵝鴨何嘗  
厭喧聒，燕鴻無計得遲留。 [又] 燕子銜將春色去，錯教  
人恨五更風。 [女冠元氏] 寄語新來雙燕子，移巢別  
處覓雕梁。

元劉因 獨倚危闌數髣毛，一簾輕燕晚涼高。 [方回]  
幾家蠶落紙，比屋燕分梁。 牟巖歸來燕子原相識，  
落盡桃花尚未知。 黃庚 燕子不歸人寂寞，深深宮

殿鎖春寒又背倚欄杆聽燕語一簾風雨卷春寒  
方夔飛飛燕子依風席漠漠楊花點客氈袁易飛  
燕驚鴻擬未真飄飄直欲似行雲尹廷高春風故  
巢燕夜雨廢池蛙劉秉忠燕子雙雙銜不徧鳳凰  
城裏落花泥郝經夢游故國人仍獨春到空梁燕  
自雙又燕呀棲不壘鳶跼墮難翔許衡入簾花氣  
重落地燕泥香王暉閑庭綠蘚泥融遍燕子飛來  
補舊巢又似嫌燕語鶯吟碎暖噴宮音過夢雲元  
淮杏花零落燕泥香閑立東風看夕陽又試問溧陽  
新燕子今年寒食又無家又木香架畔薔薇落簾幙

無風燕子飛趙孟頫雕梁留戲蝶藻井語嬌燕又  
輕燕受風迎落絮老魚吹浪動新荷又簷外白雲來  
託宿梁間紫燕語關情袁桷梨花的的疑蝴蝶燕  
子深深似杜鵑又門靜秋千歸燕逐沙寒冬簷過魚  
驚又梨花亂逐沙鷗起燕子深隨野馬來又凍蜂粘  
暖草乳燕啄冰泉又香几蜂喧密花房燕語真又經  
皮燕新穿馬祖常燕泥霽雨風景酣簾箔依稀有  
歌笑又渡水楊花逐飛燕薊中芳草送春迴又杏園  
三月換銀袍燕子西飛背伯勞又香泥滿地燕脂濕  
只許新來燕子飛又輕薄顛狂風上下燕子鶯兒各

新嫁又千兩金盤浴小兒玉釵雙墮燕差池又二十  
五絃彈鳳凰玉釵小燕飛春山段克已幽香一點  
無尋處燕蹴飛紅染客衣仇遠如今王謝堂前燕  
飛入人家更不回吾丘衍參差海羽雙燕來依微  
石舞瀟湘回劉清叟重對門墻簾定卷春風賀厦  
燕依栖張弘範醉窓睡足碧紗涼簾卷薰風燕子  
忙又年少將軍耀武威人如輕燕馬如飛楊奐燕  
子迎風掠水飛樓前楊柳綠依依楊果草堂有燕  
賀新成沙渚無鷗續舊盟陳孚燕子穿烟水荇開  
故家舊有讀書堆又臺空鳳去無人問只說尋常燕

子飛又幽人豈無兒女情懶聽畫樓鶯燕語鄧文  
原東風江上柳初團海燕飛飛杏雨寒郭天錫石  
磴雲昏筍蕨香江城花落燕鶯忙李村鶯啼燕語  
花漸稀天明海碧涵晴暉何中紅英洒地燕將乳  
綠樹添陰鶯未老任士林平生慣有冰霜翼却笑  
東風燕雀高何失如今蹤跡無尋處谷雨綿山燕  
子飛傅若金雲涵度影翻立燕日映圓紋散白魚  
宋裴潞陽二月河冰解定買吳儂燕尾船王士  
熙畫棟塵空巢燕去蒼崖雲掩路碑橫李孝光寄  
語歸來雙燕子烏衣巷口又斜陽又白鼉裘壞埋珠

柳玉燕釵飛墜藻翹 [黃清老] 醉歛欲吹新燕弱舞  
腰初軟落花輕 [又] 無人共語乾坤外燕子南來雁北  
飛 [劉詵] 燕子輕寒生院落佳人自卷猩紅幕 [丁  
復] 綠燕棲寒夜不飛洞天霜盡月流輝 [聶立] 阜雕  
孤振凌雲翮紫燕雙翻語雪啼 [伯顏] 畫橋盡日無  
人過楊柳青青燕子飛 [王冕] 紅墮香愁燕子飛風  
流王謝今安在 [又] 江山無人隔塵土丹鳳不來孤燕  
語 [吳景奎] 翠鬟梳罷玉纖寒綵燕銜春上金鳳  
曹文晦 顏如花紅語如燕氣態直如春爭新 [郭翼]  
伶立作傳追飛燕李白歌詞忤太真 [舒頔] 燕子銜

將春色去畫闌寬處樹旌旗 [又] 玉驄行疾濺春雨紫  
燕銜遲帶夕暉 [郊] 韶白翻飛燕空中見 [又] 飛花半  
入長洲苑歸燕空思王謝家 [又] 書簽頗怪燕泥濕井  
屋忽看春草生 [劉永之] 過橋柳暗鳥爭樹當戶花  
開燕入簾 [又] 烏絲細寫蠶頭篆白紵新裁燕尾衫  
貢性之 燕落香泥露紙重 [又] 檣燕留人雙上下岸花  
迎客半低垂 [謝應芳] 多情舊時燕還繞畫梁飛  
金涓玉簫聲杳人何處惟有東風燕子來 [鄭洪] 又  
見海棠飛燕子不堪芳草怨王孫 [吳志淳] 紫燕却  
歸尋舊主黃鸝到處喚游人 [祖銘] 林巒有穴山精

相玉燕釵飛墜藻翹黃清老醉歛欲吹新燕弱舞

腰初軟落花輕又無人共語乾坤外燕子南來雁北

飛劉詵燕子輕寒生院落佳人自卷猩紅幕丁

復綠燕棲寒夜不飛洞天霜盡月流輝聶立阜雕

孤振凌雲翮紫燕雙翻語雪啼伯顏畫橋盡日無

人過楊柳青青燕子飛王冕紅墮香愁燕子飛風

流王謝今安在又江山無人隔塵土丹鳳不來孤燕

語吳景奎翠鬟梳罷玉纖寒綵燕銜春上金鳳

曹文晦顏如花紅語如燕氣態直如春爭新郭翼

伶立作傳追飛燕李白歌詞忤太真舒頔燕子銜

將春色去畫闌寬處樹旌旗又玉驄行疾濺春雨紫

燕銜遲帶夕暉郊韶白翻飛燕空中見又飛花半

入長洲苑歸燕空思王謝家又書簽頗怪燕泥濕井

屋忽看春草生劉永之過橋柳暗鳥爭樹當戶花

開燕入簾又烏絲細寫蠶頭篆白紵新裁燕尾衫

貢性之燕落香泥露紙重又檣燕留人雙上下岸花

迎客半低垂謝應芳多情舊時燕還繞畫梁飛

金涓玉簫聲杳人何處惟有東風燕子來鄭洪又

見海棠飛燕子不堪芳草怨王孫吳志淳紫燕却

歸尋舊主黃鸝到處喚游人祖銘林巒有穴山精

出巖谷無人石燕飛 貢奎風輕鶯語滑泥重燕飛

低 張養浩花柳巧為鶯燕地管絃遙遞綺羅風又

坐看赤脚澆新圃臥看烏衣葺舊巢 曹伯啟賓雁

來時燕又東三年薄宦竟何功 許有壬魚鳶知永

蹕鶯也 還餘香 馬熙省事山翁知鶴隨燕鶯奔命

為誰疲 虞集魚龍喜新波燕雀集虛幔又白鵝翻

墨沼紫燕入書林又燕泥書帙晚魚浪釣絲晴又花

近飛觴魚駭逝柳低步障燕隨穿又湘筠簟冷魚波

合海柏梁深燕雨通 楊載與作栖梁燕寧為呼轍

魚 范梈燕拂承塵去蜂隨曳杖行又多謝有情雙

燕子暫時飛去又飛來 揭傒斯鸞鵠有時鍛反愧

燕雀翔 黃澄受風燕子輕相逐著雨楊花濕更飛

柳貫飲釐夢惜紅螺小露賜心驚綠燕飛 薩天

錫君不見舊日輕盈舞紫燕鴛鴦鎖老昭陽殿又殷

勤莫遣燕子知會向人間報風月又夜涼一片城頭

月曾照張家燕子樓又霞飛海燕拂簾過風卷魚鱗

剪綠波又垂柳陰陰蘓小家滿湖飛燕趁楊花又釀

蜜筒香蜂報衙杏梁泥歇燕成家又簾垂綬帶鰕鬚

細燭剪金釵燕尾分又玉奴剪燭落燕尾 陳旅涼

風吹動釵頭燕一曲琵琶寫幽怨 張翥最是令人

出巖谷無人石燕飛 〔貢奎〕風輕鶯語滑泥重燕飛

低 〔張養浩〕花柳巧爲鶯燕地管絃遙遞綺羅風又

坐看赤脚澆新圃臥看烏衣葺舊巢 〔曹伯啟〕賓雁

來時燕又東三年薄宦竟何功 〔許有壬〕魚鳶知永

躡鶯 〔馮〕還餘香 〔馬〕熙省事山翁知鶴隨燕鶯奔命

爲誰疲 〔虞〕集魚龍喜新波燕雀集虛幔又白鵝翻

墨沼紫燕入書林 〔又〕燕泥書帙晚魚浪釣絲晴又花

近飛觴魚駭逝柳低步障燕隨穿 〔又〕湘筠簟冷魚波

合海柏梁深燕雨通 〔楊〕載與作栖梁燕寧爲呼轍

魚 〔范〕梈燕拂承塵去蜂隨曳杖行 〔又〕多謝有情雙

燕子暫時飛去又飛來 〔揭〕傒斯鸞鵠有時鍛反愧

燕雀翔 〔黃〕澄受風燕子輕相逐著雨楊花濕更飛

〔柳〕貫飲釐夢惜紅螺小露賜心驚綠燕飛 〔薩〕天

錫君不見舊日輕盈舞紫燕鴛鴦鎖老昭陽殿 〔又〕殷

勤莫遣燕子知會向人間報風月 〔又〕夜涼一片城頭

月曾照張家燕子樓 〔又〕霞飛海燕拂簾過風卷魚鱗

剪綠波 〔又〕垂柳陰陰蘓小家滿湖飛燕趁楊花 〔又〕釀

蜜筒香蜂報衙杏梁泥歇燕成家 〔又〕簾垂綬帶鰕鬚

細燭剪金釵燕尾分 〔又〕玉奴剪燭落燕尾 〔陳〕旅涼

風吹動釵頭燕一曲琵琶寫幽怨 〔張〕翥最是令人

愁絕處夕陽雙燕自歸來又樗蒲偶共真妃博賭得  
雙頭白燕釵又白玉雕釵燕黃金鑿步蓮貢師泰  
簫韶九奏南風起沙燕高低撲繡簾又燕舞盤中嫌  
露重鶯歌扇底避風輕迺賢野橋日落行人倦茅  
屋春深燕子飛又隔岸誰家好樓閣燕子一雙飛過  
墻又繡幕無端風卷起一雙燕子傍人飛陳樵雪  
中花老花未知我起開簾納江燕又誰來樹下看雲  
坐半入人間作燕飛吳師道不知開到何花樹今  
日才聞燕子聲周權鳩雨欲晴桑葉晚燕泥新濕  
杏花餘朱德潤燕子社前春雨歇又百里奉親官

署近萱堂春早燕呢喃

方瀾泥香燕嘴草路暖馬

蹄塵

許謙低幕風生翻宿燕小簷雨歇落輕花

洪希文哺雛衝雨燕喚婦出林鳩

袁士元鶴因無

恙老猶健燕若有情貧亦來

張端銀塘水滿鷗先

下翠幙春寒燕未還

秦不華簾底燕驚花雨亂樹

頭峰繞襪塵香

余闕此心懸知燕堪託裁書繫渠

左邊脚

陳高花落名園芳草滿燕歸華屋故巢空

盧琦綠窓美人閉深院燕語鶯啼春事半又竹林

生筍長過母巢燕撲蟲歸哺雛

胡天遊百屋堆錢

等夢回春風多誤燕歸來

周伯琦龍迴秋歇雨燕



落書翻沙

陳基蔓草拂衣人不剪畫梁無主燕空

歸又衝泥不及三春燕兩兩巢君翡翠樓又爾鵲莫

逐營巢燕吳宮失火難相見又燕歸王謝江邊宅犬

吠朱陳柳外村

張憲誰家燕燕倦春風戢翼畫梁

春睡熟又燕泥侵玉塵蛛網挂牙籤又座上綵鸞珠

插髻掌中飛燕玉圍腰又春風壓城紫燕飛繡鞍寶

勒生光輝

楊允孚燕舞巧防鴉鶻落馬嘶驚起駱

駝眠又東風亦肯到天涯燕子飛來相國家

楊維

楨仙人掌上初承露燕子腰輕欲受風又燕子繞林

紅雨亂鳧雛衝岸浪花圓又蟠龍髻重未勝綰燕釵

半落犀梳偃

張昱白日高堂欲暮難鳴鳩乳燕靜

相干又鶯燕情懷千語少魚龍波浪幾回新又牡丹

開後春無力燕子歸來事可憐

倪瓚紫燕低飛不

動塵黃鸝嬌小未勝春又學成飛燕春風舞嫁與燕

山遊冶郎

王逢几杖琴尊共一丘燕歸巢近午香

篝又社酒吹香新燕飛游人裙幄占彎磯又燕子飛

來又飛去游絲挂在玉簾鉤又吳王臺對越王城歲

歲春風燕麥生

鄭鈺舊來歌舞今誰在燕子茅簷

只自憐

錢惟善珠簾不被東風卷只有空梁燕子

知丁鶴年兩慙風儂花亂落泥融沙暖燕交飛

顧瑛桃花柳葉元無限燕子鶯兒各有雙  
馬臻傷人冷笑營巢燕求友翻憐出谷鶯  
又合杏樓臺形勢壯風流鶯燕語言新  
又艷滋曉露鶯搖落香漬春泥燕掠歸  
張伯雨故山破屋誰來補辛苦營巢拾燕泥  
僧善位紅藥花開春欲歸綠楊陰暗燕爭飛  
又石沼水乾魚逝久杏梁巢覆燕來稀  
又花露懸蛛網芹泥落燕巢  
安南國王陳益稷仙蹤縹緲鸞聲遠  
客路崎嶇燕尾分

烏衣香牒卷之四

匏廬道人述

散藻三詩

明太祖玄猿嘯月丹崖側紫燕摩天碧漢中  
宣宗穿簾小燕雙雙好泛水閒鷗箇箇輕  
周定王櫺柏見雙雙語鶯燕楊花滿院不鈎簾  
周憲王有燉池上紅鴛並簾前紫燕忙  
又喜看池內魚生子驚退簾前燕逐蟲  
寧獻王權鶯朋燕友時相得似識東風  
帝子家蜀成王讓榻簾幙飄搖風動處有情雙燕  
自歸家宗室謀誓江雷乍殷龍兒長社日初晴燕

子飛 劉基池上芹泥卽漸乾梁間燕子拾蟲難又  
鴻雁不來巢燕去草蟲辛苦獨知秋又燕子來何晚  
春歸寒未歸又日暖水禽鳴哺子風輕沙燕語尋巢  
楊基東家蝴蝶飛無數西鄰燕子歸兩箇又黃鸝  
紫燕太匆忙不道花間有閑客又燕遲雙壘破蜂早  
一房通又池塘空濶蜻蜓喜簾幙蕭閒燕子愁又鶴  
臨沙渚鷗俱浴花落江泥燕與爭又前度劉郎非故  
物當時燕子總西鄰又燕子綠蕪三月雨杏花春水  
一羣鵝又不須銀管催鶯出便好珠簾爲燕開 又  
舟傍荷花宿人先燕子歸又東家西家燕飛明日後

日春歸

劉崧翩翩雲飛燕銜書寄我頻留戀書中

意展轉道深情但恨相思不相見春燕飛來秋復歸

報書不遣壯心違又林花落處頻中酒海燕飛時獨

倚樓又依人慙野燕戀子劇飢鳶又池南欹柳燕將

雛門巷新晴轉綠蕪 楊慎金明綠暗留烟霧舊燕

新鶯換朝暮又海燕先春至沙禽恒夜驚 左彙却

笑梁園事已非梁王去後燕空歸 孫一元燕尾剪

空寒花苞纔小吐又燕掠春陰薄鳩鳴桑葉新又楊

花燕子弄春柔醉倚筌篲笑未休 張以寧馬嘶芳

草去燕語落花間 二句一作詹同 蘓伯衡清溪繞郭穿魚

市瘦馬尋芳踏燕泥 高啟 靡蕪青渚燕楊柳白門

鴉又細雨魚生子斜陽燕哺兒又閑園細雨梨花落

廢苑平蕪燕子飛又水滿乳鷗翻藕葉風疎飛燕拂

桐花又他時若有相思字只寄春江燕子歸又燕子

自憐花落地殷勤長帶軟泥銜 袁凱 絮嫌飛燕態

花妬綠珠裙 張羽 燕子歸時却離家洪州迢遞隔

天涯 宋濂 滿地園林稱隱居燕泥污我讀殘書

陶安 燕尋曾到屋魚候未來潮 徐賁 野燕將新子

墻桑發舊苞 秦約 燕蹴初晴雨鳥栖欲暝烟 張

適 去住梁間燕公私水際蛙又牛聲栖燕子鳶爪帶

雞雛又蝸篆登牀延筆格燕泥上壁汗琴徽又學人

渚燕頻來往似客汀雲任去留又燕蹴落紅沾几席

日移嫩綠去琴書 錡炳 相領原非燕圍腰底用犀

管訥 野燕衝簾入汀花度水香又梨花門巷清明

近春水池塘燕子飛 韓奕 風雨空城花落後池塘

芳草燕來時 陶宗儀 雨社來巢燕晴衙散蜜蜂又

雜花晴簸簸輕燕晚飛飛又紫燕將雛花上語錦鳩

呼婦樹頭鳴 揭軌 臨水佳人拾翠羽隔簾嬌燕逐

飛花又鳳凰臺閣初含雨燕子人家又禁烟 袁宗

金窓晝靜燕初開火養沉烟一絲綠又窓下修書寄

遠人燕泥時復浣衣巾

沐昂隔岸人家紅樹稀辭

巢燕子故飛飛

沈夢麟故宅東風歸燕靜孤村夜

雨落花多又春城飛絮日顛狂簾幙風微燕子忙

陳緝雨餘石燕暗歸穴市近山蜂午報衙陳子寧

穿花燕子羽毛濕隔水人家門巷幽曾啟鶯啼燕

語畫樓東麗日輕雲護綺籠又人情同社燕休戀異

鄉樓于謙簷前燕子掠飛蝶池內魚兒吹柳花又

暖吹花底鶯聲滑輕拂簷前燕翅忙吳文泰吳山

青青江水綠燕語鶯啼空斷腸孫蕢鯉魚風起燕

飛斜菱歌聲入鴛鴦渚湯循勣秋風茉莉吹香雨

簾外燕嬌肆輕嫵陳裕征雁已還巢燕至歸期何

事又空傳胡儼綠陰門下垂青子庭院深沉雙燕

語又鶯梢穿樹蝶燕拾落花泥瞿佑杏雨調泥隨

燕嘴烟重柳條扶不起又歸來燕子已知社開到海

棠方是春又樹林深處蜂王國簾幙陰中燕子家又

烟柳露荷搖動處岸花檣燕送留間謝縉新社未

來先有燕一春將盡始聞鶯謝肅東風桃李非無

主歸燕樓臺不見人林弼春事又隨紅紫老人生

每似燕鴻分張恕飛燕曾爲掌上舞崔徽不及卷

中真童軒妖紅軟綠含朝陽鶯吟燕語愁人腸又

山村細雨梨花發茅屋東風燕子飛又湖北湖南燕尾分又燕子歸來詩夢覺滿池新水草依依張含

春鳥啼不歇春燕語更切陳亮微風花自落細雨

燕雙飛甘瑾雞豚上戊家家酒鶯燕東風處處花

又芹香墮几初歸燕泉脉通池欲上魚魏時敏嫩

葉柔條拂短簷鶯啼燕語曉風恬又柳風乍起燕雛

軟梅雨初晴荔子肥又東風似欲添離恨故引雙雙

燕子來藍智雲鴻每獨往梁燕當疇依許繼藩

籬自云廣燕雀方啾啾虞謙蜜熟黃蜂靜泥融紫

燕忙李昌祺乍到尋巢燕初眠上箔蠶朱顯野

蠶成繭盡江燕引雛回錢遜滿地綠陰飛燕子一

簾晴雪卷楊花朱純好夢每嫌鶯喚醒傷心况對

燕飛雙周德行沙鷗睡熟原相並梁燕飛來偶自

雙葉盛去燕來鴻千古事閑花野草一春愁郭

登一年寒食梨花近二月春晴燕子來又老樹藏鴉

添嫩葉舊巢歸燕補新泥又舊巢雙燕子今歲不曾

來虞堪華屋燕飛今在否市橋官柳不勝題錢

宰綠波煙草渺天涯燕子將來未到家袁華乳燕

初飛藕作花秋娘二八髻雙丫又燕語銅樓淑景移

鏡臺香冷玉蟠螭盧昭燕帶殘香飛又落魚吹小

點吐還吞又蘭橈一道微風入却逐金塘燕燕歸

桂衡晚白菜肥蠶出火冬青花落燕成家鄭瑗東

飛伯勞西飛燕我所思今獨不見劉英鶯諧急管

催歌板燕蹴飛花墮舞裊蔣王孝繞堤江燕對人

語千樹野桃當午開陳完千村紅亂桃花雨一夜

香生燕子泥又三竿紅日曉輝輝流水平燕燕子飛

又泉如燕尾清流折草似裙腰白路斜劉丞直點

泥登燕壘添蜜入蜂房申屠衡隔簾誰撼金鈴響

知是花間燕子歸李應期江南祇是歸耕好水繞

孤村燕子飛顧協綠陰庭戶無人到惟有一雙新

燕飛魏驥楊柳人家燕子飛綠濃綠徑覓紅稀又

棟花風起燕飛飛步出溪橋一徑微王誼年年三

月梨花雨門掩東風燕子雙馬中錫燕子不來猶

臥病半簾紅雨送春歸又風軟林鶯當路囀日高檣

燕領潮圓又書憎燕入銜泥浣花喜蜂來帶雪香

文徵明翠屏自度春寒曲簾箔重重燕雙宿又燕子

啣春欲飛去海棠猶自勒輕寒又東風吹彩燕曉色

動簾旌又花殘鶯獨囀草長燕交飛又青春語燕窺

游舫白日流雲漾淺沙又庭陰寂歷梧桐轉簾影差

池燕子斜又茅屋泥香燕子飛東風日暖谷鶯啼

文林絕灘魚逆上掠草燕低飛又不知滿地梅花落  
又是東風燕子來 劉泰江燕低翻三寸黑海棠微  
褪一分紅 李夢陽舞每低輕燕歌先起白鷗又紫  
燕銜泥入室黃麋齧草登臺 李東陽秋風燕子人  
家細雨漁翁釣槎又落盡仙桃春不管更教雙燕舞  
西風又卷盡簾櫳無燕雀閱殘冰雪但松筠又闌外  
青山猶可送簾前紫燕莫愁妨 石瑤海棠庭院燕  
雙語惱亂無人知妾心又盧家語燕栖畫梁美人夜  
半宴蘭房又江南燕欲歸來向簾前語又燕子未來  
花不語綠蕪寒雀共斜曛又日暮山樓凝望江南燕

子歸來 何景明繁歌急調相迫促紫燕雙入虛簾  
櫳又金屋螢流長信階綺籠燕入昭陽殿又獨樹桃  
花自發高樓燕子誰家 陸深滿船簫鼓載春歸燕  
子銜泥掠岸飛又臨水草堂春事晚爐香驚墮燕銜  
泥 徐禎卿青門瞳瞳魚鑰開乳燕游絲相逐來又  
佳人踏處弓鞋薄燕子銜來別院幽 顧璘家雞各  
有時海燕各有窠 邊貢蓬窩渡頭燕雙語楊柳蕭  
疎酒飛雨又旅跡江花笑歸心海燕知 王韋小院  
門閉鶯自語畫梁泥香燕初乳又小園風暖櫻桃熟  
曲岸泥融燕子飛 徐渭伯勞打始開燕子留不住



又燕語調花氣猿啼帶講心又構成燕雀猶知賀報  
取瓊瑤未可償 沈周檐頭故壘雌雄燕籬脚秋蟲  
子母雞又五侯賓客鯖全少百姓人家燕已多又蝸  
壁雨深留篆看燕巢春暖忌童探又著雨桃花衝燕  
落受風楊柳信鶯啼 張野秋霜未降蓮房老社日  
初臨燕子歸 方太古樹樹梨花相鬪發家家燕子  
欲偷飛 高岱海燕去何之秋風辭故壘又翩翩海  
燕羣相趁簾幙風高得意飛 王逢年橫塘柳初齊  
梁燕築巢栖雙雙飛不去莫蹴柳花迷又瑤琴奏還  
歇燕掠樓中月又君歸江國正鳴鳩草綠空磯燕子

愁 陳憲章初晴樓上燕飛飛樓下歌人白紵衣又  
社屋新成燕子來山丹未落野棠開又行藏非社燕  
飲啄混家雞 蘇祐燕泥香墜地知是杏花殘又梁  
間紫燕猶私語樹裏黃鶯却暫飛又到簾花片依苔  
墮隔巷鶯聲接燕飛 劉繪含情聽燕語泣淚惜花  
嬌 王九思社期來燕子春色到梨花又垂楊風外  
燕芳草雨中蛙 皇甫汈別有關情處梁間雙燕飛  
岳岱東飛伯勞西飛燕玉關巫峽難相見又紫燕  
銜青泥湖南事東作 朱應登庭洒黃梅雨簾鉤紫  
燕風 朱應辰支筇步屨踏莓苔小院無人燕子來

〔史遷〕誰道衡門無過客春深還有燕飛來 凌雲

翰燕子來時花滿城海棠絲雨半籠晴 〔簡霄〕岸蘆

迎棹舞檣燕掠人飛 〔費察〕清秋飛燕子白日下槐

花 〔謝榛〕零落鉛華君不見畫樓春雨燕雙鳴又三

月梨花風又雨小樓燕子怯春寒 〔李同芳〕花下停

車鶯語亂蹊邊拾翠燕泥香 〔李奎〕流鶯乍轉千金

堰紫燕雙棲文杏梁 〔沈瓚〕錦衾剩有雙飛燕明鏡

惟餘一尺塵 〔王建〕極蝴蝶夢寒雙睡燕杜鵑枝老

獨啼鶯又燕拂林霞分嫩綠蝶翻草露濕嬌紅 〔勒

貴〕燕銜零玉遺書几蜂帶餘香過酒船 〔顧清〕蜜房

分子蜂初靜書閣垂簾燕自飛又高臥野人滋嬾散

欲飛燕子自逡巡 〔黃鳳〕翅枝喧對語鶯堂巢雙飛

燕 〔王巡〕相野桃齊發迎春早社燕初回度水斜又

燕子來時水繞臺尋芳欲試探春杯 〔于慎行〕金屋

燕初飛長隄草已綠 〔韓上桂〕飛燕翩翩上畫梁遊

絲雜沓卷垂楊 〔陳薦夫〕綠楊窗外鶯啼後青草池

邊燕語時又雨明蟲線網風綠燕巢泥 〔吳正志〕含

露愁看出塞人香風吹送西飛燕 〔柳應芳〕斜月窺

河升半嶺照見雙棲梁燕影 〔許宗魯〕海燕歸遲春

色暮谷鶯愁劇雨聲寒 〔浦瑾〕長日如年雙燕睡晴

風似酒百花醺又乳燕出時炊麥熟繭蛾飛後曝絲香吳鼎芳燕燕正飛來鶯鶯啼未歇又嫋嫋東風

蝶試衣綿綿芳草燕爭飛吳兆鳳凰臺上舊時基燕雀湖邊當日路又上牛官鼓逐彩燕內人傳蔡

羽朝雨似迎新燕子江村稀見野人家又郎官宅裏舊簾櫳鶯燕頻來認玉翁汪廣洋春風小店梨花

發宿雨疎林燕子飛錢元善林鳩逐婦晴還雨沙燕將雛去復來謝鐸春眠正值雨初酣奈可梁間

燕二三戚韶江晴燕子故飛飛江上春帆何處歸張弼故園遙在三江外綠遍蘼蕪燕子飛方鳳

葉暗新枝花盡落泥添故壘燕初還李濂開簾悔入雙雙燕伏枕愁看六六峰又矮屋燕來燕去小園

花發花飛薛蕙竹裏雄鳩嗔獨語池邊乳燕喜羣飛又蒲芽短短桃花水燕子飛飛楊柳春又日長燕

子叮寧語風靜楊花自在飛陶允嘉飛飛雙燕子何處覓迷樓宗泐別懷空與水東流海燕江鴻斷

消息趙金桃花水泛魚吹浪芹草泥香燕補巢徐繸乳燕不堪臨別酒落花偏自送離人王元逢

卽看乳燕雙雙入無那飛花片片殘樊阜燕子歸遲春欲盡落花催雨小樓寒周軫爲愛多情雙燕

子暫時飛去又飛來 [金鑾] 雨香飛燕促風暖落花

輕 [張時徹] 清溪落日靜輕燕蹴花頻 [又] 花枝初綴

蝶燕語故招人 [林恕] 燕尋舊壘穿重幕竹引新篁

過別家 [康太和] 洪濤撼岸金鰲動絕壁穿雲石燕

飛 [許筠] 西飛燕東流水人生倏忽春夢裏 [姜舜

玉] 芙蓉帶結紅鴛蒂楊柳絲牽紫燕飛 [喻時] 倚榻

書憐巢燕語隔簾晴對海棠枝 [申時行] 驚鴻洛浦

遊魂遠飛燕昭陽舞態輕 [袁尊泥] 乳燕流鶯相和

鳴曉風吹滿送春聲 [田汝成] 龍鬣吹浪轉燕雀受

風迴 [范言] 地偏亭榭古春老燕鶯稀 [趙時春] 庭

暖初暄燕簷風欲度花 [雷鯉] 細路小橋人獨往落

花流水燕飛忙 [袁仁] 花老辛夸萬綠肥草香江岸

燕低飛 [康阜] 燕子樓中人去時落花飛絮繫相思

[梁亨] 遇桃花開後杏花稀客子來時燕子飛 [熊

明] 遇憑人說盡安危事江上春風燕幾行 [林應亮]

珠綴泥翻元燕紺園樹帶殘花 [呂時臣] 隔岸雨晴

飛燕渡過江風暖散楊花 [沈明臣] 江鄉無盡燕雛

飛越水仙舟歸未歸 [又] 花藏數蝶驚人散燕領雙雛

傍客歸 [又] 微風荷葉上乳燕杖藜前 [又] 一雙燕子翻

花出始覺人家佳隔林 [宋長春] 社燕避人舞樵童

領客行

謝承舉燕雀隨風翻蛟龍逆潮上 趙南

星年來燕子稀少不見紅襟可憐 康從理楚樹吳

雲春寂寞塞紅江燕歲迢遙 吳擴雙燕掠波分畫

槩片霞生雨洒春衣 周復俊草長飛平燕槐疎落

暗蛸又紫幕飛雛燕荒苔墮小蟬 張祥鳶屋角丹

藤繞梁間紫燕馴 張鳳翔社燕花梢翠尾分玉樓

斜度語朝暉 湯珍掠燕藏鶯覆碧潭絲牽縷結弱

難堪 李光芳秋風吹桂樹雙燕語雕梁 焦竑何

似草堂梅燕同人先探春田 王穉登村過杏花春

酒綠磯登燕子暮江寒 徐完日長門徑無車馬燕

子楊花自在飛 李攀龍漠漠雨如沙翩翩燕子斜

黃省曾燕回花淡淡蝶泛草纖纖 陳芹花倚新

枝笑人隨舊燕歸 葉權花暗重門燕繞梁珠簾高

卷鬱金堂 沈一貫花間香霧峰猶釀雨後閒雲燕

欲回 蘓澹梨花寂寂燕飄零藥檻蘭畦嫩葉生

嚴怡土墻茅屋竹籬笆楊柳風高燕子斜 居節開

門飛燕子吹面落花風又花勒淺寒迎燕子雨將新

綠入蘼蕪又不通燕子重門閉憔悴花枝病酒心

徐韋燕子不來花落盡夕陽偏傍斷橋明 盧澐小

窓睡起支頤坐閑看營巢燕子飛又睡嫌雛燕語吟

惜藕花開又燕銜花片來知是春歸去 張鷟遊蜂

先得路乳燕正歸椽又乳燕自來花不語沙鷗尋伴

水常閑又鶯啼深樹燕還棲晴日花香滿院浮 謝

兆澗雞柵倚龜趺燕泥凝佛背 王寅我亦驚秋同

海燕故鄉端在社前歸 王翹不爲無家悲落莫他

鄉燕子早知秋 王士性雙燕子逢人語引得新

雛掠水邊 申光漢去年三月初三日燕已歸巢花

已開又風前燕語聞初嬾雨後花枝看亦稀 陳第

洲迴蘆莽莽檣動燕翩翩 林章楊子江南燕子磯

楊花燕子一時飛 周獻臣謝豹啼殘麥燕飛山花

伴客送春歸 唐時升新成燕麥欲相扶風急高陽

落乳鳥又宿燕驚棋去遊蜂趁酒忙 沈野柴扉暫

啓元無事恐有梁間燕子飛 顏俊彥畫梁無數空

巢在社雨蕭蕭燕不來 金毓峒繫馬河濱及早春

鳴鳩乳燕往來頻 朱一是只今寂寞斜陽裏多少

東風燕子來又野燕隨風側溪魚得雨肥 傅光宅

緘情欲寄雙飛燕腸斷迴文是泪痕 沈瓚客舍食

飭花落後新泉烹笋燕來時 章士雅孤閣自開巢

乳燕疎簾不卷駐游絲又門前細雨新桃漲陌上和

風舊燕鮮又不禁雙燕子飛出落花前 蔣茂水沉

散藻詩 七

烟裊翠參差永晝窺簾燕語遲

姚斡梨園子弟覘

人意隊隊停歌燕子箋

湯顯祖雨中雙燕子今夕

是江南又海燕掠猶拂江鳥靜不飛

陳繼儒柳絲

燕子故飛揚杜若蘼蕪接路香又螢度空梁棲燕幕

魚翻靜渚戲蘭房又燕子飛來枕上荷花開到橋西

彭年燕拂柳絲弱鶯啼花氣香 張士淪路將天

欲遠帆逐燕同飛 曹學佺楊花寂寂新宮出燕子

依舊舊宅邊 鄒維璉堂前雙燕子歲歲赴春期

項珮過雨春泥白斜飛燕尾鮮 王衡白社避巢將

客燕平林抱葉未歸蟬 何璧南北飄零逐燕飛營

巢今復傍烏衣又歸客趁新燕遊人歎落花 朱純

元野岸綠蕪飛燕子汀洲紅雨落桃花 王醇銜杯

不使疎櫺閉巢濕紅泥乳燕還 李公桂儘容茅屋

招新燕更鑿荷池浴乳鶯 張若義隋堤柳樹尚依

依臺榭荒丘燕子飛 黃淳耀鳴蜩秋盡猶緣砌舞

燕春深亦認巢 朱茂曙橋下溪流燕尾分灣頭新

水慣煎裙 徐同貞桃花落盡水初漲燕子來時笋

正肥 顧玘徵烏衣門巷舊游非王謝堂前燕子稀

梁辰魚風檣歌聽燕浪檝遠衝花 陸壽國縞袖

翔飛燕青箋賦木蘭 張宇初暄風巢燕定殘雨曉

鷺和 萬曰吉燕不巢新幕花猶戀故枝 方應選

春風看社燕依舊到庭除 袁中道夜月梨花夢春

風燕子愁又 唼雨魚兒集 捎波燕子忙 錢文薦披

簾邀乳燕 葶榼赴遷鶯 馮鼎位驂騮馳康莊 燕雀

守一枝 李廷焘朔鴻乘雪起 海燕受風斜 吳伯

敷江落鮫人室 磯傳燕子名 莫是龍春燕投新社

離鴻失故洲 謝三秀燈前秋社燕 夢裏故山薇

宋登春海燕辭鄉社 山猿傍酒樓 又滿城芳草烟和

雨江燕飛來似識人 華善繼燕以飛蟲下魚因落

絮驚 盛時泰燕泥留雨氣 魚藻入天光 又衙晚催

蜂去巢危促燕飛 汪元英不如將子燕 華屋託新

巢 吳夢暘燕子鄰家去 僧離別院居 商家梅蛾

眉過柳色燕語掠江聲 周暉酒醒雙燕語 病起亂

花飛 李克堪墻頭輕燕舞 有意惱人歸 朴厚亨

素鱗時潑潑 輕燕已飛飛 徐居正春愁春興誰深

淺燕子不來花未開 伊乘銀塘泛水魚 吹沫華屋

泥香燕補巢 金淨鶯燕不來春 又去落花微雨下

重簾 申從濩燕子不來鶯 又去滿庭紅雨落 無聲

方外德祥燕子歸來春已去 藤花落盡水縈迴 又

自愛黃鸝春後至 多愁燕子雨中還 又燕來猶舊戶



花落自空庭又草生橋斷處花落燕來初

妙聲臨

水桃花還有浪銜泥燕子不生塵又候蟲依井徑歸

燕拂簷陰

溥洽 槿籬日薄雞豚散花塢春深燕雀

知又卷幔躍魚搖倒影攤書巢燕落晴泥

明秀江

岸鷓鴣悲暮雨柴門燕子惜春泥又燕子歸來寒食

雨春風開遍野棠花

傅慧 草色連雲暗水陂掠羣

乳燕影差池

天遂 柔舞難容鶯坐穩輕搖易惹燕

飛還

良琦 重重樓戶燕穿風曲曲紅橋綠水通

如曉春陰何處栖雙燕寂寞梨花小院中

通潤日

出人初醒春深燕不知

道敷 生憎風底急猶賴燕

衝歸

福教寺僧 燕子不知身是客秋風還戀舊巢

泥

名媛 沈瓊蓮蘂柳青青燕子愁萬條齊水弄春

柔

孟淑卿 潑眼韶光日正長蝦鬚簾卷燕飛忙

朱妙端 華屋沉沉乳燕飛綠楊深處轉黃鸝又金屋

曉寒鶯語澀畫樓春晚燕歸遲

鄧氏 何處香泥忙

社燕誰家晴檻噪時禽

董少玉 芙蓉江上燕飛飛

燕子磯邊人未歸

王鳳嫻 燕子樓頭燕子回何年

鶴去見歸來又頽榭草深歸燕繞故宮月冷野狐埋

沈憲英 樓上春深乳燕來半簾花影自徘徊

袁

九淑 遠笛兼鶯語飛花趁燕歸

屈氏安人 梁間新

燕去墻外老槐疎

楊宛燕子差蓮箔魚兒長釣磯

朱德蓉沙棠舟近江鷗起玳瑁梁空海燕歸 趙

燕如小小秦樓學燕飛楚雲湘水見應稀 馬珪沙

暖燕歸春閣早醉餘人別暮橋孤 羽儒儘教拂掠

隨鴉陣怪道顛狂伴燕泥 王秋英歲月無情催去

燕關河有信寄來鴻 謝五娘乳燕銜泥春晝長倚

闌無語立斜陽 黃媛貞春山春水碧依依草屋風

輕燕子飛 沙苑在白燕雙雙入幕頻梨花香遍雪

為茵 趙瑗妾李氏花落後庭春睡美呢喃燕子要

開簾 呼父如寒窓一閉秦簫月惹得人呼燕子樓

臺城妓惟有虹梁春燕雛猶傍珠簾玉鈎立 陳

墅里人 細雨冥冥濕燕泥棟花香暖鶉鴝啼 野亭

父老枝頭綠軟梅初熟口角黃乾燕學飛 無名氏

春深古寺燕飛飛深院重門客到稀 又簾前雙燕語

林外數鶯聲 又門巷清明燕子來綠楊如霧掩樓臺

散藻四詞

唐張說擊石駮驪紫燕 李白宮鶯嬌欲醉簷燕語

還飛 又可憐飛燕倚新粧 崔液寂寂春花烟色暮

簷燕雙雙落花度 王建紅樹紅樹燕語鶯啼日暮

劉禹錫吳苑燕隨人去汾州雁帶書來 杜牧人

遠淚闌干燕飛春又殘又薄草初齊花又落燕雙飛

又海燕欲飛調羽萱草綠杏花紅隔簾櫳又一雙嬌

燕語雕梁還是去年時節又萬枝香雪開已徧細雨

雙燕按杜牧詞一本俱作温庭筠詞温庭筠家臨長信往來道乳

燕雙雙拂烟草又簷柳初黃燕新乳曉碧芊綿過微

雨又柳岸杏花稀梅梁燕乳飛又流鶯隱圓樹乳燕

喧餘哺又音信不歸來社前雙燕回又青麥燕飛落

落卷簾愁對珠閣書生海燕銜泥欲下來屋裏無

人却飛去無名氏雙雙燕子歸來應解笑人幽獨

五代和凝春態淺來雙燕紅日漸長一線馮延巳

玉堂香暖珠簾卷雙燕來歸又日暮疎鐘雙燕歸棲

畫閣中又林間戲蝶梁間燕各自雙雙又燕子歸來

幾處香風綠戶開又穿簾海燕雙飛去又淚眼倚樓

頻獨語雙燕飛來陌上相逢否又春色融融飛燕乍

來鶯未語又長烟遠恨重重消息燕鴻歸去又三願

如同梁上燕歲歲長相見又燕初飛鶯已老拂面春

風長好又深院空幃廊下風簾驚宿燕又秋千慵困

解羅衣畫梁雙燕歸張泌舊巢中新燕子語雙雙

韋莊細雨飛飛梨花白燕拂畫簾金額又紫燕黃

鸝獨自恨何窮牛驕風簾燕舞鶯啼又小玉窓前

嗔燕語紅淚滴穿金線縷又舞裙香暖金泥鳳畫簾  
 語燕驚殘夢又斷泥燕飛到畫堂前占得杏梁安穩  
 處體輕惟有主人憐最美好因緣毛文錫綠樹春  
 深燕語鶯啼聲斷續薛昭蘊錦鱗無處傳幽意海  
 燕蘭堂春又去又簾外有情雙燕颺檻前無力綠楊  
 斜又燕颺晴景小窓屏暖又睡覺水晶簾未卷簾前  
 雙語燕魏承班難話此時心梁燕雙來去又早是  
 潘郎長不見忍聽雙語燕又寂寂畫堂梁上燕李  
 珣又見辭巢燕子歸阮郎何事絕音徽又隔簾微雨  
 雙飛燕歐陽炯恨不如雙燕飛舞簾櫳又雙雙梁

燕語蝶舞相隨去又羨春來雙燕飛到玉樓朝暮相  
 見又人不在燕空歸負佳期又春來階砌春雨如絲  
 細春地滿飄紅杏蒂春燕舞隨風勢顧夔拂水雙  
 飛來去燕又金蟲玉燕鎖香奩恨慙慙毛熙震鶯  
 啼燕語芳菲節又深院空聞燕語滿園閒落花輕又  
 小窓燈影背燕語驚愁態又鶯啼芳樹暖燕拂回塘  
 轉又裊釵金燕軟孫光憲梁燕歸紅杏又畫梁幽  
 語燕初還又輕打銀箏墜燕泥又燕成雙鸞對影偶  
 新知又燕雙鸞偶不勝情  
 宋徽宗這雙燕何曾會人言語寇準定巢新燕濕

雨穿花轉〔晏殊無可奈何花落去似曾相識燕歸來〕又燕子欲歸時節高樓昨夜西風〔又海燕辭巢翅羽輕〕年年歲歲情〔又送舊巢歸燕拂高簾見梧桐葉墜〕又雙燕歸飛繞畫堂似留戀虹梁〔又芙蓉花發去年年雙燕欲歸飛〕又被啼鶯語燕催清曉正好夢頻驚覺〔又杏梁歸燕雙回首黃蜀葵花開應候〕又日高深院靜無人時時海燕雙飛去〔又綠樹啼鶯雕梁別燕春光一去如流電〕又翠葉藏鶯朱簾隔燕爐香靜逐游絲轉〔又誰把鈿箏移玉柱穿簾海燕雙飛去〕宋祁燕子呢喃景色乍長春晝〔又燕子來時繡陌漸〕

薰芳草〔又膩雲斜溜釵頭燕〕

王安石東歸燕從海

上去南來雁向沙頭落

晏幾道雕梁燕去裁詩寄

遠庭院舊風流〔又別來雙燕又西飛無端不寄相思〕

字〔又不如雙燕得到蘭房〕又落花人獨立微雨燕雙

飛〔又雙燕來時還念遠珠簾繡戶楊花滿〕又遠信還

因歸燕誤小屏風上西江路〔又玉笙聲裏鶯空怨羅〕

幕香中燕未還〔又箇人輕似低飛燕春來綺陌時相〕

見〔又人去日燕西飛燕歸人未歸〕張先學雙燕同

棲還並翅我合着你難分離〔又燕子雙高蝶對飛〕又

燕子占巢花脫樹

柳永此際海燕偏饒都把韶光

與又惟有畫梁新來雙燕徹曙聞長歎又况佳人盡  
 天外行雲堂上飛燕向玳筵一一皆妙選又舞婆婆  
 歌宛轉仿佛鶯嬌燕姹又密憑歸燕寄芳音恐冷落  
 舊時心又綺燕流鶯鬪雙語蘇軾恰似嫦娥憐飛  
 燕分明照向畫梁斜又趁拍鸞飛鏡回身燕漾空又  
 為說相思目斷西樓燕又花褪殘紅青杏子燕子飛  
 時綠水人家繞又燕子雙飛來又去紗窗幾度春光  
 暮又但莫追新燕却來時音書絕又燕子樓空佳人  
 何在空鎖樓中燕又見乳燕捎蝶過繁枝黃庭堅  
 鳴鳩乳燕春閑暇化作綠陰槐夏又年年有金籠鎖

定鶯雛燕友不被雞欺又莫將社燕等秋鴻處處春  
 山翠重又濁酒黃花畫簾十日無秋燕歐陽修梁  
 燕語多驚曉睡銀屏一半堆香被又思抱芳期隨塞  
 雁悔無深意傳雙燕又乳雞酒燕落星沉月統統城  
 頭鼓又鶯愁燕苦春歸去寂寂花飄紅雨又雙燕飛  
 來垂柳院小閣畫簾高卷又燕拂風簷蝶翻露草兩  
 兩長相逐又畫梁新燕一雙雙玉籠鸚鵡愁孤睡又  
 留春不住燕老鶯慵無覓處又枕簟乍凉銅漏徹誰  
 教社燕輕離別秦觀戀戀樓中燕燕子樓空春日  
 晚又杏花撩亂燕泥香睡損紅粧又曉日窺軒雙燕

語似與佳人共惜春將暮又燕子未歸惻惻輕寒如  
秋又高臺芳樹飛燕蹴紅英又正蘭皋泥潤誰家燕  
喜蜜脾香 晁補之燕來鶯又到人無準又章臺休  
詠舊青青燕離情恨難平又還同子美江村長夏閑  
對燕飛鷗舞又一年春正好助人狂飛燕游蜂 陳  
師道關鎖玉樓巢燕子又水簾流光團扇墜驚起雙  
棲燕子 李之儀草平天一色風暖燕雙高又春意  
已無多斜日滿簾飛燕又睡起繞回塘不見銜泥燕  
子忙又巢燕引雛渾去盡銷魂空向梁間覓宿痕又  
綠水滿池塘點水蜻蜓避燕忙 賀鑄幾回憑雙燕

丁寧深意又不解寄一字相思幸有歸來雙燕又羨  
金屋如來舊時巢燕又訪烏衣成白社舊時王謝堂  
前雙燕過誰家又悔分釵燕又低鬟舞按迎春徧似  
飛動釵頭燕 毛滂和風輕拂燕泥乾又誰送一懷  
春思玉臺燕拂菱花又翠簾繡暖燕歸來寶鴨花香  
峰上下又慣了雙來燕燕驚散雕闌晚又素頸圓吭  
鶯燕語不妨緩緩歌金縷又杏梁塵拂面牙板歌鶯  
燕又簷前飛燕看人立却被落花飛入又雙綵燕飛  
傍髻雲堆又燕釵橫玉雲堆髮 杜安世夜雨朝晴  
東風微冷雕梁燕子閑相並又繡簾半卷招新燕又

高堂雙燕舞翩翩又綠柳紅杏香逕舞燕流鶯又小樓歸燕又黃昏寂寞鎖高門又當晴畫燕子聲鬧又新翻歸翅雲間燕又暮春天氣鶯兒燕子忙如織  
李元膺燕驚午夢周遮語鶯困春游落拓風章棻  
燕忙鶯嬾芳殘正堤上柳花飄墜輕飛亂舞舒亶  
背飛雙燕貼雲寒又燕外青樓已禁烟小寒猶自薄  
勝綿李清臣楊花落燕子橫穿朱閣王詵雛鶯未遷燕燕乍歸時節戲弄晴陰又海棠開後燕子來時黃昏庭院趙令時不似珠簾新燕早歸來又飛燕又將歸信誤王安禮閒晝永更時時燕雛鶯友

相過

曾肇不似畫梁雙燕有重來時節

晁冲之

深院閉斜陽燕入陰陰簾裏又簾外新來雙燕珠閣

瓊樓穿遍又小院重簾燕飛礙又薰風亂飛燕子時

下輕鷗王觀燕子歸來人去也此時無奈黃昏

蘓庠波連春渚暮天垂燕歸人未歸劉涇泛水新

荷舞風輕燕園林夏日初長又殿閣風微簾外燕喧

鶯舞又莫把珠簾隨下妨他雙燕歸來潘元質對

濃綠中庭院燕語鶯啼李嬰歸燕殷勤辭巷陌鳴

蛩淒楚來窓牖葛勝仲畫棟朝飛雙語燕端似知

人著意窺金盞又年年梁燕雙雙在肯爲人愁便不



來又燕領從來骨貴 周紫芝池塘雨細雙鴛睡楊  
柳風輕小燕飛又相對語春愁只有春歸燕又簾幙  
卷東風燕子雙雙語又燕子風高小桃枝上花無數  
又燕子不來花不語滿庭芳草空無數又小桃零落  
春將半雙燕恰來池館 謝逸紅日三竿簾幙卷畫  
樓影裏雙飛燕 周邦彥悄悄芳陌人家定巢燕子  
歸來舊處又看兩兩相依燕新乳又蟬咽涼柯燕飛  
塵幕漏閣籤聲時度又燕子不知何世向尋常巷陌  
人家相對如說興亡斜陽裏又癡駭一團嬌自折長  
條撥燕巢又落花都上燕巢泥又一雙燕子守朱門

又梁燕語問那人在否又兔葵燕麥向斜陽影與人  
齊又年年如社燕飄流澣海來寄修椽又梁間燕社  
前客似笑我閉門愁絕又有箇人人海棠風韻飛燕  
輕盈 晁端禮蜂蕊花香燕泥破潤暫寒天氣清新  
又卷簾風入雙雙燕燕雙雙入風簾卷 曹勣桃蕊  
初謝雙燕來後枝上嫩苞時節 曹組芳草綠楊人  
去住短牆曲徑燕西東 萬俟雅言夜來小雨初霽  
雙燕舞風斜又舞妙歌妍空妬得鶯嬌燕忙 陳克  
簾幙好風低燕子又玉鈎雙語燕寶鬢楊花轉 呂  
渭老燕拂危檣斜日外數峰凝碧又螢繞井欄簾入

燕荷香蘭氣供搖筆又花葉盡成雙渾似我梁  
間燕又燕子又語斜簷行雲自沒消息又向寶  
書憑燕翼又西池舊約燕語柳梢桃萼又燕拂  
簾旌鼠窺窓網寂寂飛螢來去又石城臺上雙  
雙燕又燕銜柳絮春山遠又夕靄迷空燕趁門  
又新燕又雙蘭心漸吐佳期趁取花開李甲向  
尊前擬問雙燕來時曾過秦樓沈會宗輕暖時  
聞雙燕語沈公述燕子干般爭解說些子伊家  
消息魯逸仲燕燕將雛惆悵睡殘春曉王安中  
促歸期燕飛蝶舞特地熙熙又燕尾道冠兒蟬  
翼生衫子蔡伸燕子樓中

歌吹那忍首重回又紫燕雙雙掠水飛簾纖小  
雨未成泥又並頭雙燕語似訴橫塘雨又鶯鶯  
燕燕本是于飛伴王之道初霽卷簾時巷陌泥  
融燕子飛

趙師俠燕語鶯啼小院幽春色二分休又檣  
燕已知添別意驪駒誰爲歌新曲又紫燕黃鸝  
爭巧語催老芬芳花柳又海棠零亂梨花淡佇  
初聽鬧空鶯燕又舞風游漾燕交飛又雛燕語  
乳鶯聲暑風輕又舞風輕燕繚繞深深院又紫  
燕飛忙黃鸝聲嫩日長烟暖游蜂困又只恐明  
朝風雨惡燕嘴泥融又見燕喃喃蜂簇簇蝶飛  
飛趙長卿繁紅釀白嬌鶯姪燕爭喚

何郎又雙燕運芹泥燕歸人未歸又燕子歸來深院  
悄柳綿鋪逕無人掃又欲將心事巧憑來燕說與人  
憔悴又海燕歸來未久向雕梁初成對偶又小立凭  
闌羞燕燕又鶯啼燕恨西窓下問何事潘鬢先華又  
不比鶯鶯不關燕燕不似章臺柳又睡起風簾一派  
垂失巢燕子傍人飛又一夢十年勞記憶社燕賓鴻  
來去陳濟翁燕來時鶯啼處年年憔悴葉夢得  
濕烟不隔柳條青小雨池塘初有燕李邴無情燕  
子怕春寒輕失花期李彌遜欲憑桃葉傳春怨莫  
不似斜風倩雙燕又燕蹴巢泥鶯喧庭柳好夢無蹤

跡張元幹花臉柳腰勾引芳菲鬧鶯燕又目送處  
飛鴻滅沒誰問蓬蒿爭燕雀又歸夢等閑歸燕去斷  
腸分付斷雲行又燕掠風檣欵欵飛又還知否燕將  
雛去又是流年度又枕霞紅釵燕墜花露帶雲髻  
朱敦儒雨濕清明烟火殘碧溪橋外燕泥寒又書倩  
燕夢借蝶重相見再把歸期說又等他燕子傳音耗  
紅杏開還未到又歡少愁多因甚燕子渾難問康  
與之正金風西起海燕東歸又畫梁紫燕對對衝泥  
飛來又去又不管離腸欲斷聽畫梁問雙燕曾覲  
休論社燕與秋鴻時節太匆匆又年年社燕新歸怎

奈向黃昏恁時又萬歲千秋流寵此身欲備昭陽燕

左譽一雙燕子兩行歸雁畫角聲殘一作趙長卿楊

无咎燕將舊侶呢喃終日相語又看看飛燕銜將春

去又是欲黃時候侯寘柳幄飛綿風池烟泛新萍

燕壘泥香又鶯喧燕宿又未見海棠開卷簾雙燕來

又風簾不碍尋巢燕雨葉偏禁鬪草人又無端燕子

怯寒歸晚損簾鈎辛棄疾問當年魚鳥無存者堂

上燕又長夏又更長門翠輦辭金闕看燕燕送歸妾

又樓空人去舊游飛燕能說又華屋金盤人未醒燕

子飛來春盡又乳燕引雛飛力弱流鶯喚友嬌聲怯

又三十六宮花濺淚春聲何處說興亡燕雙雙又莫

待燕飛泥污問花花訴又花絮飄零鶯燕丁寧怕妨

儂湖上閑行又試問春歸誰得見飛燕來時相遇夕

陽中又君如梁上燕妾如手中扇團團青影雙雙伴

又荼蘼付與薰風管燕子忙時鶯嬾姚寬燕子引

愁來眉心那得開張孝祥紫簫吹散後恨燕子只

空樓又檣燕低飛人去後依舊湘城簾幙又離鴻過

盡百勞飛都不似燕來歸范成大楊柳行間燕子

輕又驚怪釵頭玉燕乾程垓不是慣却春心奈新

燕傳情舊鶯饒舌又蜂兒不解知人苦燕兒不解說

人愁又燕麥春風更幾人驚覺又獨木小舟烟雨濕  
燕兒亂點春江碧又梁間燕子且教知道人也雙飛  
又日下船篷人未起一個燕兒說盡傷春意又鎖深  
不奈鶯無語巢穩爭如燕有家又畫簾燕子日偏長  
靜看新雛來往又雙燕不知幽夢好驚起碧窓春曉  
又燕子不來天欲暮說愁無處所韓元吉舊日堂  
前燕和烟雨又雙飛邱宓鳴鳩乳燕春在梨花院  
吳儆水滿池塘鶯啼楊柳燕忙知爲泥融袁去  
華問燕子來時綠水橋邊路曾畫樓見箇人人否又  
鬪草踏青閑過却乳燕鳴鳩自樂又燕鴻曾寄去年

書漢臯不記來時路又間晝雙飛歸來燕東風漫漫  
吹桃李又試細聽鶯啼燕語分明共人愁緒劉克  
莊燕子猶知社後歸君行無定期趙彥端催處處  
燕巧鶯慵幾聲鈎輻叫雲木又記河梁折柳問畫堂  
樂事燕鴻難偶又非郭還非野閒鶯燕時傍笑語清  
佳又莫教紫燕歸來彩雲開後空悵望主人輕去又  
雛鶯乳燕愁悲語道留君不住又燕子還來簾幙畔  
閒愁天不管又燕語似知懷舊主衛元卿燕子歸  
來愁不語故巢無覓處李石雙鶯兒雙燕兒橋北  
橋南相對啼程秘燕子春寒渾未到誰說江南消

息又去年玉燕記會期今歲瑤光入度 王千秋彩  
雲初散燕空樓 姜夔 窓戶新成青紅猶潤雙燕爲  
君胥宇又朱戶粘雞金盤簇燕空歎時序侵尋又歎  
杏梁雙燕如客又信馬青樓去重簾下娉婷人妙飛  
燕 張元祥 半擁鴛被怯餘寒燕子時來窺繡戶  
陸游 鳩雨催成新綠燕泥收盡殘紅又憑肩攜手當  
時曾效畫梁棲燕又燕子空歸幾曾傳玉關邊信又  
掠岸飛花傍簷新燕都是學人無定又朝雲夢斷知  
何處倩雙燕說與相思又飛花如趁燕子直度簾櫳  
裏又簾外蹴花雙燕簾下有人同見又小院蠶眠春

欲老新巢燕乳花如掃 陳亮 恨芳菲世界游人未  
賞都付與鶯和燕又水邊臺榭燕新歸一口香泥濕  
帶落花飛 劉過 恨楚城春晚岸花檣燕還將客送  
不是人留又金鴨香爐噴寶篆驚起雕梁語燕 楊  
炎 東風臺榭知何處問燕鶯如今尚有春光幾許又  
滿地亂紅風掃聚只教燕子銜將去又征燕盡塞鴻  
翔睇風檣 張輯 把千種舊愁付與杏梁語燕 謝  
懋 燕子不歸花有恨小院春寒 黃機 况殷勤鶯燕  
能歌更舞又但丁寧雙燕明年還解寄平安否又雙  
燕乍歸寄與綠箋紅豆又燕子雙雙來未久頗知人

意否又百尺游絲罥鶯留燕判與南園一醉又秋鴻  
 春燕往還時莫忘了錦箋分付又鳳剪鸞飛空燕子  
 寶香猶惹流蕙又岸花檣燕低飛欸語滿面殷勤  
 劉鎮丁寧鶯燕莫匆匆又喜見燕子巧說千般如人  
 道又柳陰庭院簾約風前燕又弄晴臺館收烟候時  
 有燕泥香墜 吳禮之飛盡落花春不管鬪忙鶯與  
 燕 馬莊父青門道乳燕引雛又歸去爭先戴取倚  
 寶釵雙燕 董穎恨不如巢燕自由歸 鄭域合是  
 一釵雙燕却成兩鏡孤鸞 許棐鳩雨細燕風斜春  
 悄謝娘家又知心惟有雕梁燕自來相伴 戴復古

鶯啼啼不盡燕語語難通 易祓雙燕幾時來並飛  
 入東風院宇 毛幵奈當時消息黃始織女又成玉  
 謝堂前燕又長是相趁佳期有尋舊流鶯貪新雙燕  
 又燕去鴻歸無事了又小尾黃蜂隨早燕又簾幙燕  
 雙飛春共人歸 洪咨夔徘徊處看鳴鳩喚婦乳燕  
 將兒又簾影動歸來雙燕似悲還笑又乳燕雛鶯簇  
 撥人又記初度謝他紫燕黃鸝爭先送好語又簾卷  
 疎風燕子歸依舊盧仝屋 陸淞堂深晝永燕交飛  
 風簾露井 盧祖臬柳邊深院燕語明如剪又一雨  
 林塘新綠淨杏梁歸燕并又燕掠晴絲裊又簾幙輕

迴舞燕風又香泥壘燕密葉巢鶯春晴寒淺 高觀  
 國纖柔緩揭瞥然飛去不似春風燕又恨燕鶯不識  
 閑情却隔亂紅飛去又野泉春吐芽泥濕隨飛燕又  
 歸燕不如等上柱一行常見相思苦又芳郊外鶯恨  
 燕愁不管秋千冷紅索 史達祖如今故里消息賴  
 海燕平時相識又粘雞貼燕想立斷東風來處又明  
 朝雙燕定歸來叮囑重簾休放下又燕子春愁未醒  
 誤幾處芳音遼絕又如今但一鶯通消息雙燕說相  
 思又光風外除是倩鶯煩燕漫通消息又嬌盼隔東  
 風無人會鶯燕暗中心性又柳戶清明燕簾寒食又

桑麻外乳鳩稚燕別樣芳情又 毛實刀窓下夢誰  
 剪秋裳又當年飛燕從今不數又釵燕重髻荷偏兩  
 山斜插翠聯娟 韓澆柳嬌花妬燕鶯喧又社寒梁  
 燕呢喃舞又池塘春草燕飛飛人醉牡丹時又歌拂  
 燕梁牽客恨又燕子鶯兒情脉脉又重梁雙燕語沉  
 沉 汪莘怎強作鶯聲燕語 吳潛燕社鴻秋人不  
 問儘管吳笙越鼓又烏兔裏光陰鶯燕邊情緒又烏  
 衣巷今猶昔烏衣事今難覓但年年燕子晚煙斜日  
 又誰道燕燕鶯鶯多情猶自認得年時客 李昉英  
 燕忙鶯懶春無賴肯為好花遮護 趙以夫一江綠



淨算閱盡燕鴻來去 〔陳經國〕正燕泥日暖草綿別  
路鶯朝烟淡柳拂征鞍 〔方岳〕燕子來時天氣儘韶  
風與詩爲地 〔又〕立盡碧雲寒江欲暮怕過清明燕子  
時 〔又〕知是謔家燕子直恁惺忪言語 〔張榘〕王謝宅  
記前度斜陽燕子曾相識 〔又〕小樓燕子話春寒 〔又〕爭  
似湧金樓燕燕歸來鈎轉暮簾揭對語畫梁消息香  
泥砌花屑 〔洪璚〕况是風柔夜暖正燕子新來海棠  
微綻 〔又〕燕子又歸來但惹得滿身花雨 〔鍾過〕水邊  
珠翠香成陣也消得燕窺鶯認 〔方千里〕燕子池塘  
黃鸝院落海棠庭戶 〔又〕燕壘初營蜂衙乍散池面烟

光縹緲 〔又〕護巢占泥翩翩飛燕翼 〔又〕燕子西飛去爲  
人試道相思悶緒 〔又〕惱人是燕飛盤軟舞鶯語咽輕  
簧 〔又〕峯鬢霧濕燕嘴泥融陌上細風頻扇 〔楊澤民〕  
念燕輕鶯怯媚容百斛明珠須費 〔又〕短書封了憑金  
線繫雙燕 〔又〕日烘晴風却暑簾幙中間紫燕呢喃語  
〔盧炳〕憶夜來成夢處記分明渾似瑤臺宿人語靜  
燕雙逐 〔沈端節〕門巷陰陰飛絮舞斷腸雙燕語 〔又〕  
閑趁鶯來日下却隨燕入烏衣 〔潘枋〕雲窓霧閣事  
茫茫試與問畫梁雙燕 〔一作黃昇〕 〔馮艾子〕被梁間雙燕  
話盡春愁 〔又〕雨重柳腰嬌困燕子欲扶扶不得 〔黃

昇定巢新燕覓香泥又鶯宛轉燕丁寧晴波不動晚  
山青又曉燕傳情午鶯喧夢起來檢校芳事又蛾眉  
入宮見妬奈昭陽飛燕亦成塵又銀幡綵勝參差剪  
東風吹上釵頭燕李芸子遺恨清商易改多倚紫  
燕難留吳文英舊雨江湖遠問桐陰門巷燕曾相  
識又暮檣留話江燕又燕子不留春住空寄離檣語  
又路轉羊腸人營燕壘霜滿蓬簪又雨簾不卷空礙  
調雛燕又簾底事憑燕說又燈前倦客老貂裘燕去  
柳邊樓又迅羽愬空梁燕子誤驚起又燕無言風定  
紅簾畫又宿燕夜歸銀燭外啼昔聲在綠陰中又紫

燕雛飛簾額靜又花空烟水流燕辭歸客尚淹留又  
問離巢歸燕飛過誰家又燕釵塵澀鏡華昏又探春  
到見綵花釵頭玉燕來早又釵股籠寒綵燕沾雲膩  
又釵燕攏雲未起時隔墻偷折杏花枝又紫燕紅樓  
歌斷錦瑟年華一箭又弄影闌干玉燕重抽攏墜簪  
蔣捷除了雕梁肯容紫燕誰管門前長者車又燕  
卷晴絲蜂粘落絮天教綰住閑愁又聽深深謝家庭  
館東風對語雙燕又燕憐晴鶯愛暖一窓芳哄又侍  
女迎鸞燕嬌鶯詫炫珠翠陳允平多愁却妬燕子  
飛又還遙想曲度嬌鶯舞低輕燕二十四簾芳晝又

長安路還是燕乳鶯嬌度簾遷樹又烏衣巷陌幾斜陽  
燕銜舊壘又雲南歸雁樓西飛燕去來慣認炎涼  
又繡窓一縷香絨線繫雙燕又有約不來梁上燕十  
二繡簾高卷又鬪鴨欄邊燕飛又湘桃紅淺柳褪黃  
燕初來官漏漸長又鶯嬾晝長燕間人倦乍親花簾  
慵引壺觴又秋風燕送鴻迎最憐堤柳白露先零又  
亂蟬嘶夏木雙燕別春泥又釵分玉燕寸寸迴腸折  
張樞壘潤栖新燕又卷簾人睡起放燕子歸來商  
量春事周密一樣春風燕梁鶯戶那處得春多又  
餘寒猶掩翠戶梁燕乍歸芳信未端的又燕風庭宇

正清和又人間午遲漏永看雙燕將雛穿藻井又燕  
燕歸遲鶯鶯聲嬾閑習秋千紅索又芳草天涯負華  
堂雙燕又剪燕心情呼盧音語景物總成懷舊又燕  
約鶯期惱芳情偏在翠深紅隙又花不定燕尾剪開  
紅影又緗桃花褪燕調雛又是一番春暮又不下珠  
簾怕燕嗔又漸午陰簾影移香燕語又晴絲繫燕么  
弦彈鳳文君更苦又燕泥沾粉魚浪吹香芳堤十里  
新晴又但免葵燕麥倩誰訪畫欄紅藥又燕歸時海  
棠厮勾王沂孫只愁春燕銜春去拂破藍光千頃  
又疎簾蝶粉幽徑燕泥花間小雨初足又正拍拍輕

鷗翩翩小燕簾影蘸樓陰 張炎怕依然舊時歸燕

定應未識江南冷 又輕舟幾度新堤曉想如今燕鶯

猶說 又舊家池沼尋芳處從教飛燕頻繞又波暖綠

粼粼燕飛來好是藕堤纔曉 又社燕盟鷗詩酒共未

足游情剛把斜陽送 又卷簾休問海棠開相傳燕子

歸來近 又橋邊燕子似軟語斜日江蘼又無端暗惱

又幾度留連燕昏鶯曉 又正私語晴蛙于飛晚燕閑

掩紋疏 又看燕集深蕪漁棲暗竹濕影浮烟又古木

迷鴉虛堂起燕歡游轉眼驚心 又想當飛燕皺裙時

舞盤微墮珠粉 歐良游絲外不堪燕掠無奈擊粘

又先自離懷百不堪檣燕呢喃梁燕呢喃 又燕飛飛

柳依依有箇人人倚翠扉 又燕成雙蝶成雙飛去飛

來楊柳傍 石孝友鶯鶯燕燕搖蕩春光懶 孫惟

信杏梢空鬧相思眼燕翎難繫斷腸箋 劉褒正雨

後風粘落絮燕撲晴香 又燕子芹乾龍孫籜老綠陰

深鎖林塘 張槃度柳早鶯分曉綠過花小燕帶春

香 張景臣別後釵分燕尾病餘鏡減鸞腰 湯恢

燕子銜來相思字道玉瘦不禁春病 韓翃燕子不

知春去也飛認闌干 翁元龍無奈燕幙鶯簾輕圓

嬌俊 又鶯思重燕愁輕如人離別情 鄭楷匳玉燕

套金蟬負華年 [李肩吾] 舊夢鶯鶯沁水新愁燕燕

長干 [又] 好似烏衣春社燕軟語東風庭院 [又] 雙燕立

虹梁東風外烟雨濕流光 [陳策] 雪粘飛燕帶芹穿

幙 [李振祖] 鴛鴦並浴燕交飛 [薛夢桂] 燕子呢喃

似念人憔悴往來朱戶 [又] 燕子說來千古恨海棠開

到二三分 [又] 燕銜不去雁飛不到愁滿天涯 [周端

臣] 翩躚舞態燕還驚 [趙君舉] 新夢不知人去處卷

簾還有燕來時 [江開] 素約未傳雙燕語新愁還入

賣花聲 [汪元量] 燕子留君君欲去 [又] 念舊巢燕子

飛傍誰家 [王鼎翁] 且不知門外桃花何代不知江

左燕子誰家 [何夢桂] 問重來海燕烏衣安在乍歸

遼鶴華表空存 [梁棟] 罨畫溪山紅錦帳舞燕歌鶯

臺閣 [莫崙] 聽春教燕顰鶯訴朝朝花困風雨 [劉

辰翁] 但箭雁沉邊梁燕無主 [李彭老] 彩扇舊題烟

雨外玉簫新諧燕鶯中 [又] 畫舫載花花解語縮燕吟

鶯 [又] 隨處飭香杏暖燕飛斜躡秋千 [李萊老] 寶押

繡簾斜鶯燕誰家 [又] 漁烟鷗雨燕昏鶯曉總入昭陽

譜 [又] 佩環何許縱無情鶯燕猶驚 [朱鼎孫] 海燕已

尋踪到畫溪沙際 [趙崇霄] 卷簾看燕初歸步屐爲

花早起 [譚宣子] 怕春燕掠天疎鼓疊春聲碎 [趙

聞禮青樓臨遠水樓上東風飛燕子又五更樓外月  
雙燕門前柳方外于真人燕子銜泥飛入垂楊處  
僧揮建康宮殿燕子來時多少閑愁又燕別雕梁  
鴻歸紫塞音信憑誰託道士葛長庚燕似談禪鶯  
如演史猶有海棠連夜開又見海棠花下飛來雙燕  
垂楊深處啼斷孤鶯名媛李清照海燕未來人鬪  
草江梅已過柳生棉又新筍已成堂下竹落花都入  
燕巢泥又流水飄香乳燕啼朱淑真風和烟暖燕  
巢成鄭意娘夢回聽乳鶯調舌紫燕競穿簾幙  
蟾英紫燕呢喃黃鶯恰恰對影脂消香浥平江妓

筭燕雀眼前無數無名氏鶻促歸期鶯啼佞舌燕  
作留人語又傷人飛燕子又有情燕子不同歸呢喃  
獨伴春愁住又燕子依依曉來總爲誰歸去又關山  
隔晚雲碧燕兒來也又無消息又燕子無情斜語闌  
干曲又燕子不來春寂寂小窓和雨夢梨花又九十  
光陰有幾早鳴鳩呼婦乳燕攜雛高麗無名氏紫  
燕飛繞池閣名媛無名氏紫燕風頭黃梅雨後柳  
條亂拂長江口

金吳激鳳城外燕隨青步障絲惹紫游韁劉仲尹  
簾幙風柔飛燕燕池塘花暖語鶯鶯王庭筠只有

一雙橋燕肯相留 王子可簾月樓空燕子家 段  
成已怎得丁寧雙燕子說與春知 李俊民多少話  
暫都分付畫梁雙燕 元好問多情惟有畫梁雙燕  
知道春歸處又乳燕雛鶯弄語對高柳鳴蟬相和又  
飛去飛來雙乳燕消息知郎近遠又丁寧雙燕話心  
期

元張弘範鶯鶯燕燕爭春紅塵馬足車輪 趙孟頫  
歸來算能幾日又青回柳葉燕重來 梁曾西樓半  
簾斜日怪銜泥燕子却飛來 姚雲文燕認杏梁栖  
未穩牡丹忽報清明近又匆匆燕語似近得春來且

留春住

白樸試把芳菲點檢鶯燕渾無語

羅志

仁來鴻又去燕看罷江湖收畫扇又悵別後屏掩吳

山便樓燕月寒髣髴雲委又坡仙吟魄鶯燕長堤

李琳新晴畫簾閑卷燕外寒猶力 趙文時見雙燕

飛來斜陽滿地 應法孫思前事鶯期燕約寂寞向

誰說 危復之悄無言春歸無覓卷簾見雙飛燕

顏奎春風拂拂簷花雙燕入 吳元可燕子歸遲剪

剪輕寒不滿衣又高處鶯啼低蝶舞何況日長燕子

能言語 李裕翁凝望久問燕燕鶯鶯識此年華否

曾允元枕落釵聲簾開燕語風流雲散 尹濟翁

畫簾空龍媒獨倚午陰靜燕子雙飛又記燕外鶯邊  
柳深竹嫩度密穿青 彭泰翁鶯燕無情庭院悄愁  
滿闌干苔積又奈燕子情多斜飛輕觸淚洒羞容  
趙功可時見雙燕飛來斜陽滿地 馮子振夢回時  
不見犀梳燕子又銜春去 虞集御溝冰泮水拖藍  
飛燕語呢喃 薩都刺花外琵琶柳邊鶯燕玉珮搖  
金縷 張翥怕見棲香燕晚又怕聽啼花鶯曉又是  
乳鴉聲聲綠樹是語燕兩兩珠簾又鳳聲啼玉碎燕  
尾點波圓又鶯嬌燕婉任狂客無腸王孫有恨莫放  
酒杯淺又桐花社喜酒邊鶯燕詩外雲嵐又燕子乍

來宿雨纔晴滿樹海棠如雪又負佳約鵲還誤報燕  
應羞說 袁易落紅填徑東風惡貪飛燕雛歸晚  
張埜雲落雨零燕愁鶯恨寶釵留股鸞鏡無光又笑  
煞君房癡到底燕雀焉知鴻鵠 倪瓚簷前燕語嬌  
柔驚回幽夢難尋舊遊又一壺濁酒一聲清唱簾幙  
燕雙飛 黃水村游絲落花滿院料當時錯怪杏梁  
歸燕 張可久桃花結子乳燕將雛 孟昉勞勞紫  
燕酣春透 張雨說與定巢新燕杏花開了重來  
明劉基沙燕沙燕別去幾時重見又語燕鳴鳩白晝  
長黃蜂紫蝶草花香又形影自相憐不及銜泥燕又



水如藍山如黛柳如絲正去年雙燕來時又悄空梁  
燕雛自語王謝亭臺杳不知何處又何處燕子飛來  
入幕穿簾似曾相見 高啟雙燕雙燕去歲今年相  
見又辭鶯謝燕十年夢斷青樓情隨柳絮猶縈惹  
楊基閒愁無那看補巢燕子銜將細雨香泥重做又  
江漲魚鱗溪沉燕尾贏得沙鷗宿鷺猜又鶯燕休嗔  
鳧鷖莫笑行止非人力又昭陽殿玉環飛燕各自東  
西面 馬洪雙飛燕嬾百囀鶯嬌 徐有貞新來燕  
子語何多老去鶯花飛未歇 周用重重簾幙羅幃  
風輕燕子交飛 湯公讓燕壘雛空日已長 文徵

明雨過綠陰稠燕子飛來特地游又燕子梨花都過  
也小樓無奈傷春別 邊貢小柵鳴雞古梁巢燕柴  
門不鎖蓬蒿徧 楊慎花停柳裊鶯鶯燕燕標格又  
釵梁小燕雙雙顫疑是玉人頭上來 張縉檀板歌  
鶯霓裳舞燕當年娛樂 吳子孝撲面楊花不斷剛  
復見燕子差池又燕仍歸畫棟兩翩翩又龍池柳色  
碧于藍金屋燕呢喃又畫閣黃昏燕語池上風來涼  
度芭蕉樹又柳條點水燕語撩人睡起不禁醇酎  
王世貞乳燕雙雙簾幙透又燕撈華絃鶯調清管細  
譜新詞杜鵑囁 王錫爵燕子一雙低尊前墜濕泥

林章爲誰拋撇似海燕初分林鶯乍別 王衡燕

子銜花坐淺巢 陳繼儒燕燕子飛補葺舊巢堪宿

施紹莘燕悲春盡亦呢喃 陳子龍閒看燕泥欲

墮柳絲吹滿輕羅又蓮葉小杏花齊雨餘雙燕歸又

一雙舞燕萬點飛花滿地斜陽又燕子又來春漸老

亂紅相對愁眉掃又玉燕風斜雲鬢上金猊香燼畫

屏中 季叔房新燕一雙雙問歸來冒雨直爲花忙

馮鼎位却見新來燕子道今朝海上爭認羅裙

張草獨立在簾櫳雙燕新扶柳岸風 顧孔昭蟬鳴

高樹蔭燕蹴晴波皺 張大烈燕雛似惜落花香雙

銜歸畫梁又呢喃燕語歷亂鶯聲紅褪花殘又千條

弱柳拖金線應期剛到呢喃燕又翡翠重門掩燕子

哺雛畫檻 李伊玉釵斜爲逐雙飛燕 唐世瀚趁

風燕子掠浮萍 閨媛王鳳嫺人在景中憐日永燕

翻波面舞春長 張引元病起南樓愁覩將雛燕

陸卿子杏花零落燕空歸門外鴉啼 沈宜修芳草

留春燕語新 葉小鸞誤他雙燕未歸梁又空梁燕

子不歸來梨花零落如殘雪又燕子歸來花香都向

綠琴添 妓王微畫梁歸燕更雙穿簾幙

Table with 12 columns and 10 rows of text, likely a list of names and titles.

蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿
蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿	蘇少卿

